

შ ი ო ს მ ა რ ა ნ ი
(რავომ ვაბოვით ასე?)



თბილისი „მეჩანნი“ 1991

კომპიუტერი მანანა ხანაღირაძე

წიგნი გამომდის ავტორის ხარჯით

წინასიტყვაობა

მხატვრული აზროვნება უძველესი დროიდან მომდინარეობს. ის, ალბათ, პირველ მითთან თუ ლეგენდასთან ერთად დაიბადა. სხვაგვარად შეუძლებელი იქნებოდა აზრის სწორად და ლამაზად ვადმოცემა რითაც: დასტურ. მდიდარია მითები და ლეგენდები.

მხატვრული მეტყველება განსხვავდება ჩვეულებრივი. საყოფაცხოვრებო მეტყველებისაგან... ასეთ გამოთქმებს ძველი დროის უდიდესი მოაზროვნე და პოეტი — ჰომეროსი „ფრთიან სიტყვებს“ უწოდებს.

მხოლოდ ყველაზე რჩეული და სწორად გააზრებული მხატვრული გამოთქმები დაიმკვიდრებენ ხოლმე ადგილს მსოფლიო ლიტერატურის საგანძურში. ასევე. მხოლოდ ყველაზე გამორჩეული ლიტერატურული და ისტორიული პირები ხდებიან ხოლმე მხატვრული აზროვნების სუბიექტები.

მხატვრული აზროვნების საგანძურს რამდენიმე წყარო ასაზრუნობს. ესაა მითოლოგია. „ბიბლია“ და სხვა... ამას ემატება მსოფლიო ლიტერატურის ზოგი კლასიკოსისა და ისტორიულ-ყოფითი სინამდვილიდან გამომდინარე გამონათქვამები და პერსონაჟთა საქმები. როგორცაა. მაგალითად: „ფული არ ყარს“. „ღონ კიხობი“. „დამოკლეს მახვილი“. „ჩხირი კედელს“ და სხვა.

რომილიმე მწერლისაგან შექმნილ მხატვრულ სახეს. პერსონაჟს ან მხატვრულ გამონათქვამს ახალ სიცოცხლეს მომავალი თაობები აძლევენ და მერე იმკვიდრებენ ხოლმე ისინი ადგილს მხატვრული აზროვნების საგანძურში. მაგალითად: „ამით გათავდა შენი შერმადინობა?“ — მიმართა სიკვდილის წინ დათიკომ გაბროს. — „როგორი ავთანდილიც შენ იყავ. მეც იმისთანა შერმადინობა გაჯიწიე!“ — მიუგო გაბრომ.

ეს დიალოგი მხოლოდ იმისთვისაა გასაგები. ვინც იცის „ვეფხისტყაოსნის“ გმირების — ავთანდილისა და მისი ქვეშევრდომის — შერმადინის ურთიერთობა.

ერთხელ. სტუდენტობის დროს, უნივერსიტეტის წინ ლამაზ ქალიშვილს ვესაუბრებოდი. უცებ მოგვიახლოვდა ჩემი თანაკურსელი — ასლან კორძაია და ცუდლუტური ლომლით მან-შნა. ვინ არისო. მეც ვანიშნე: ჩემი შეყვარებულია და გაიარე-მეთქი. ასლა-

ნი მომიახლოვდა და ამ ქალიშვილსაც რომ გაეგონა, ყურთან მითხრა: „გიონისებ?“ და ასევე ეშმაკური დიმილით განაგრძო გზა.

რამდენ რამეს იტევს ეს ერთი სიტყვა იმისთვის, ვინც იცნობს ალექსანდრე ყაზბეგის ნოთხრობას „ხევისბერი გოჩა“, ხოლო ამ ნაწარმოების უცოდინარისათვის ეს არაფრისმთქმელია, მეტრც. უაზრობაა. მართალია, ამით ეს გამოთქმა არ დამკვიდრებულა ქართულ მნათვრულ აზროვნებაში, მაგრამ ასეც ხომ შეიძლება მოხდეს.

ჭართულ ყოფასა და ლიტერატურაზე აღმოცენებული გამოთქმები საკმაოდაა შეტანილი წინამდებარე წიგნაკში. ვუსურვოთ, მათაც გაეკვლით გზა მსოფლიო ლიტერატურის სარბიელზე.

წიგნაკში წარმოდგენილია მნათვრულ გამოთქმათა მხოლოდ მცირე, ჩვენი შეხედულებით ყველაზე მნიშვნელოვანი და ხშირად-ხმარებული ნაწილი, თუმცა ზოგჯერ ისეთიც, რომელიც იშვიათად იხმარება. მაგრამ მოგეწონს და გვსურს, რომ დამკვიდრდეს ქართულ მწერლობასა და მეტყველებაში.

თუ ვინმეს მოესურვება რომელიმე გამოთქმის განმარტება და ამ წიგნაკში ვერ ნახავს, მას წინასწარ ვუხდით ბოდიშს, ხოლო თუ ვინმე ჩათვლის, ესა თუ ის გამოთქმა აქ არ იყო შესატანიო, რა გაუწყობა: „ქვოტ კაპიტა, ტოტ სენტენცია“ — „რამდენიც თავია. აზრიც იმდენია“. ამიტომაც, ყველა საქმიან შენიშვნას და რჩევას დიდად სიამოვნებით მივიღებთ.

ნოდარ გაფრინდაშვილი

აფრინე ალალიო, რაც არ არი, არ არიო — ვამბობთ მაშინ, როცა ვინმეს ან რა-მეს უვარჯისობას, არარაობას. უნიათობას ვხედავთ: როცა მიგვაჩნია. რომ ამ საქმიდან, საგნიდან თუ პიროვნებიდან არა გამოვა რა.

ალალი შევაძღნისნაირთა რიგის მტაცებელი ფრინველია და ამიტომ ეს გამოთქმა ასე უნდა იყოს გააზრებული: მოშინაჯრებულის, გაწრთნილი ალალი, ისევე როგორც მიმინო. ფრინველს დაიჭერს მხოლოდ იმ შემთხვევაში, თუ იმ არე-მარეში არის სანადირო ფრინველი. ისე კი, რაც არ უნდა ეცადოს. არაფერი გამოუვა. ასევე ადამიანი ვინმე ან რაიმე უვარჯისის, უნიათოს, ფუჭისაგან კარგ შედეგს ვერ მიიღებს. რაც არ უნდა ეცადოს. დაახლოებით ასეთივე აზრს ატარებს გამოთქმა: „შეაყარე ცერცვი კედელს“.

აბუჩად აიგლო

„აბუჩ“ — უხამსი სტუმარი — განმარტავს სულხან-საბა. აქედან გამომდინარე, გამოთქმა „აბუჩად აიგლო“ ნიშნავს: არად ჩააგლო, არად მიიჩნია. არ დააფასა. „აბუჩ“ სიტყვა. ცხადია. აღნიშნავს ისეთ სტუმარს, რომელიც არც დაუპატიჟია მასპინძელს და არც იმსახურებს სტუმრის ღირსებას, თორემ. თუნდაც დაუპატიჟებელი სტუმარი ქართველ კაცს აბუჩად არც არასოდეს აუგდია და არც აიგდებს.

ადამის წლის

„ბიბლიის“ მიხედვით და საერთოდ ძველების წარმოდგენით ადამიანი ღმერთმა თიხისაგან შექმნა. ღმერთისაგან პირველად შექმნილ ადამიანს სწორედ ადამი ერქვა და, აქედან გამომდინარე. ყოველ ადამიანზე მეტი ხნისად ითვლება. გადატანითი მნიშვნელობით კი ეს გამოთქმა უპირველესად ნიშნავს ძალიან მოხუც ადამიანს, რომელმაც. თანამედროვეთა შეხედულებით, მოკვდავთათვის შესაფერის ასაკს გადააჭარბა. საერთოდ. ეს გამოთქმა შეიძლება გავრცელდეს მოძღვრებაზე, საგანზე და სხვა.

ასევე „ბიბლიის“ მიხედვით პირველი ქალი, ადამის მეუღლე, იყო ევა და ამიტომაც გვხვდება ასეთი გამოთქმაც: „ადამისა და ევას-დროინდელი“.

ადგილის კურდღელს ადგილის მწევარი იჭერს

გამოთქმა მარტივად, მაგრამ გონივრულადაა გააზრებული: იგულისხმება. რომ ყოველი საქმის გაკეთებას თავისი ცოდნა სჭირდება.

ადამიანი იმ არე-შიდამოში, იმ საზოგადოებაში, იმ საქმიანობაში ბევრად უფრო კარგად ავლენს თავის ყოველგვარ ნიქსა და უნარს, რომელთანაც მას ახლო ურთიერთობა აქვს.

ავგეას თავლა

ძველბერძნული მითოლოგიის თანახმად ავგეა ელიდის ერთ-ერთი, სიმღერითა და სიმღერით სახელგანთქმული მეფე იყო. მას პირუტყვითა აუარბელი ჯოგი ჰყავდა და მისი უზარმაზარი თავლები ოცდაათი წლის განმავლობაში არ გაწმენდილა რადგან ავგეას ქონების დახარჯვა არ უნდოდა. ცხადია, ამის გამო ისინი ნაკელითა და სიბინძურით აივსო. სწორედ აქედან მომდინარეობს ეს გამოთქმაც დიდი სიბინძურის ან რაიმე საქმეში დიდი აწუწრობის, არეულობის მნიშვნელობით.

საბერძნეთის სახელგანთქმულმა გმირმა — პერაკლემ, დაღუპული პირობის თანახმად, ახლოსგამდინარე მდინარეები გადაკეტა, რა ავგეას თავლებსაცენ მისცა და ამგვარად ერთ დღეში გაასუფთავა. აქედან მომდინარეობს გამოთქმა „ავგეას თავლების გაწმენდა“. რაც დიდი ძალით, გონებით ან მოხერხებულობით არეულ-დაარეული, ჩაქლართული საქმის გამოსწორებას, რაიმე სიბინძურადან თავის დაღწევას ნიშნავს.

ავგურის ღიმილი

ძველ რომში არსებობდა ქურუმთა სახელგანთქმული კოლეგია, რომელიც, თითქოს, რომის დამაარსებელმა — რომულუსმა ჩამოაყალიბა. თავის დროზე ეს კოლეგია უდიდესი ავტორიტეტით სარგებლობდა და მისი თანხმობის გარეშე სახელმწიფოებრივი დანიშნულების არცერთი მნიშვნელოვანი ნაბიჯი არ გადაიდგმებოდა. ეს კოლეგია გაბატონებული კლასის მხარეზე იყო და ქურუმთა ნამისნევი თითქმის ყოველთვის მათ სასარგებლოდ გამოდიოდა. მიკერძობამ და ნამისნევის სიციბიერემ ამ კოლეგიას თანდათანობით გაუტეხა სახელი და ბოლოს საქმე იქამდე მივიდა, რომ ავგურების საქმიანობამ ძალზე ფორმალური სახე მიიღო, თვითონაც კი ამრღიით დაუწყეს ყურება თავიანთ საქმიანობას. ციცერონისა და კატონის გადმოცემით, მონღოზის დროს ავგურები ერთიმეორეს ეშმაკურად გადახედავდნენ და სიცილს ძლივს იკავებდნენ, რადგან იცოდნენ, რომ ისინიც ტყუილს ამბობდნენ და არც მსმენელებს სჯეროდათ შათი, მაგრამ საწმეს ასე სჭირდებოდა. აი, აქედან მომდინარეობს ეს გამოთქმა და ვამბობთ იმის გასამართავად, რომ მოსაუბრეც და მსმენელიც მაშინ იღიმება, როცა ყველაფერი, რაზეც ისინი საუბრობენ. სიცრუეა, მაგრამ ამით სხვას უზამენ თვალს.

აიბუეს

ასე იმ ადამიანზე, ბავშვზე ვამბობთ, რომელსაც ყველა ერიდება, სჯევის. ბუ უწყინარი ფრინველია, ყოველ შემთხვევაში, ადამიანს არაფერს ერჩის, მაგრამ, ალბათ, იმის გამო, რომ მისი ერთი სახეობა ნასოფლარებში, ნამოსახლარებში ბინადრობს, ასეთი რწმენა შეიქმნა ხალხში: სადაც ბუ დაიბუდებს, ნასოფლარი, უკეთეს შემთხვევაში, ნამოსახლარი მაინც გაჩნდებაო. ამიტომაც, უბანში რომ ბუ გამოჩნდება, ზოგი თოფს ესერის, ზოგი — მუგუზაღს, ზოგი — ქვას და, ერთი სიტყვით, ვისაც რით შეუძლია, იმით ცდილობს სოფლიდან მის გაგდებას (მოკვლას ერიდებიან). აქედან გამომდინარე, ვასაგებია ამ სიტყვის წარმოშობის მიზეზი.

არც სხვა აზრიც, თითქოს გამოთქმა „აიბუეს“ იმიტომ ატარებს ამ მნიშვნელობას, რომ ბუ ღამის ფრინველია და ღლისით ვერაფერს ეჩვენება. როგორც აბუებული ადამიანი (თ. სახოკია).

აინუში არ მომდის

„აინ“ არაბული სიტყვაა და ქართულად „თვალს“ ნიშნავს. „აინუნი“ კი — თვალებს“. ე. ი. გამოთქმა „აინუში არ მომდის“ დაახლოებით იმასვე ნიშნავს. რასაც „თვალში არ მომდის“, არ მომწონს, არად მიმაჩნია...

აკრძალული ხილი

„აკრძალული ხილი უფრო ტკბილია! — ხშირად გავიგონებთ საზოგადოებაში. ეს რომ ასეა. ყველასათვის ცნობილია, გამოთქმა კი „პიბლიდან“ მომდინარეობს. თითქოს, ღმერთმა რომ პირველი ადამიანები — ადამი და ევა შექმნა. საცხოვრებლად ყოვლადსანეტარო სამოთხე მიუჩინა და ნება დართო, ექამათ და ესვათ, რაც გაეზარდებოდათ, ოღონდ ერთ-ერთი მცენარის ნაყოფის გემოს გასინჯვა კი სასტიკად აუკრძალა. გაფრთხილების მიუხედავად და უფრო მეტად აკრძალვის გამო, ევას ცნობისმოყვარეობამ წაძლია და ა? მცენარის ნაყოფი ჯერ თვით შექამა და მერე ადამსაც აქამა. თურმე ამ ხილს შეეძლო, ახლადშექმნილი არსებებისათვის თვალის აუხილა და მათ აზროვნება დაიწყეს, ავი და კარგი განასხვავეს. ამის გამო ისინი ღმერთმა სამოთხიდან გამოაძევა და მამაკაცს უბრძანა. შენი ოფლით, შენივე შრომით ქამე პური შენი და იარსებეო. ალბათ, ამიტომაც სწორედ უფრო ტკბილი აკრძალული ხილი.

ალფა და ომეგა

ალფა ძველბერძნული ანბანის პირველი ასოა, ომეგა კი — უკანასკნელი, მათ შორისაა მოქცეული ყველა ის ნიშანი, რომლითაც შეძლო ძველმა საბერძნეთმა ყოველივე ნააზრვეისა და ნამოქმედარის

გადმოცემა. გამოთქმა ნიშნავს დასაწყისსა და დასასრულს, ყოველი-
ცეს, ადამიანის მთელ სიცოცხლეს. ამიტომაც გვხვდება *ა* და *შ*
ძველ კედლის მხატვრობებში, წარწერებში და სხვა.

ამბროსია და ნექტარი

ძველებერძული მითოლოგიის მიხედვით ამბროსია ოლიმპიელი ღმე-
რთების საკმელია, ნექტარი კი — სასმელი. ამათი მიღებით ისინი
ძარადიულ სიცოცხლესა და სიყმაწვილეს ინარჩუნებენ. „ბროტოს“
„მოკვდავს“ ნიშნავს ძველებერძულად, „აბროტოს“ — „უკვდავს“,
„ამბროსია“ კი „აბროტოს“-იდანაა მიღებული და დაახლოებით
„უკვდავებას“ ნიშნავს.

ამბროსიის მიღება უკვდავებაში ფეხის ჩადგმას ნიშნავს გ-და-
ტანითი მნიშვნელობით, ნექტარს კი უწოდებენ მეტად სასიამოვნო
სუნისა და გემოს სასმელს. ნექტარი ჰქვია აგრეთვე მცენარეთა ყვ-
ა-ღერების წვენს, რითაც ფუტკარი თავლს ამზადებს. ერთად აღე-
ბული გამოთქმა „ამბროსია და ნექტარი“ ნიშნავს დიდ ბედნიერე-
ბას. სიტყობებს, უკვდავებას. „ამბროსიულს“ ხშირად „ღვთაებრი-
ვს“ მნიშვნელობითაც ხმარობენ.

ამორძალი

განსაკუთრებით ძველებერძულ და სხვა ხალხთა მითებშიც გარკვე-
ული ადგილი უჭირავთ მებრძოლ ქალებს, რომლებიც სხვადასხვა
მწერლის ცნობით სხვადასხვა ადგილებში ცხოვრობდნენ. ისინი მა-
მაკაცებისადმი ზიზლით გამოირჩეოდნენ, მაგრამ გარკვეულ დროს
მათ შთამომავლობის გასაგრძელებლად მაინც უკავშირდებოდნენ. ამ
კავშირის შემდეგ ისინი კვლავ თავის ქვეყანაში ბრუნდებოდნენ და
ოუ ვაჟი შეეძინებოდათ, ან მამასთან გზავნიდნენ, ან ასახიჩრებდნენ
და მერე შავ სამუშაოზე იყენებდნენ. ხოლო, თუ ქალი დაიბადებო-
და, შემოვრად ზრდიდნენ. ამორძალები (ბერძნულად ამამონები) დი-
დი სილამაზით. სიმაჰაცითა და სიძლიერით გამოირჩეოდნენ. აქე-
დან გამომდინარე ქართულ ენაშიც დაიმკვიდრა ადგილი „ამამონის“
სახეშეცვლილმა ფორმამ „ამორძალი“ ლამაზი, მამაცი და ძლიე-
რი, მამაკაცებისაგან განდგომილი ქალიშვილის მნიშვნელობით. იგი-
ვე სახელი მედიცინის ენაზე ეწოდება ქალებს, რომელთაც მოკვე-
დილი აქვთ ცალი ძუძუ; ამისი მიზეზი ის არის, რომ, მითების თა-
ნახმად, ამამონები აწლადშობილ გოგონებს მარცხენა ძუძუს ამოუშან-
ავენ ხოლმე, რომ მშვილდისა და სხვა იარაღის წმარებაში ხელ- არ
შეეშალა. ზოგი მკვლევარის აზრით „ამამონიც“ ამ მითთანაა კავში-
რში. რადგანაც ბერძნულად „ძუძუს“ „ამამონს“ ჰქვია, „ა“ კი უარყო-
ფითობის მაწარმოებელი ნიშანია და. აქედან გამომდინარე, „ამამონ“
„უძუძუს“ ნიშნავს.

ანთეოსი (ანტეოსი)

ანთეოსის ზუსტი ბერძნული სახელია ანტაოსი. იგი იყო პოსეიდონისა და გეას ვაჟი, ლიბის (აფრიკის) მბრძანებელი ანთეოსი თუ დედამიწაზე იღვა, მისი დამარცხება არავის შეეძლო, რადგან დედამისი გეა (დედამიწა) მას დაუშრეტელ ძალას ანიჭებდა. პერაკლემ გაიგო ეს საიდუმლო, ჰაერში აიტაცა იგი და ისე მოკლა. გადატანითი მნიშვნელობით ანთეოსს ვუწოდებთ ადამიანს, რომელიც მკიდროდა დაკავშირებული შობელ ხალხთან, თავის ქვეყანასთან, რაც მას ამოუწურავ ძალას აძლევს.

აპოლონი

ბერძნული მითოლოგიის მიხედვით აპოლონი იყო მზის, სიყმაწვილის. პოეზიის, მუსიკის. ყოველგვარი სიმშვენიერის ღმერთი, ზევსისა და ლეტოს ვაჟი, ორფეოსის მამა. ჩვეულებრივ, მას ახალგაზრდა, ულამაზეს მამაკაცად გამოსახავდნენ ხელოვნებაში. გადატანითი მნიშვნელობითაც აპოლონს ახალგაზრდა, ლამაზ მამაკაცს ვუწოდებო.

არგუსი

ფხიზელ. ერთგულ მცველს ნიშნავს გადატანითი მნიშვნელობით. იგი ზევსისა და ნიობეს ვაჟი იყო და ჰქონდა მრავალი თვალი. ძილის დროს მისი თვალების ერთი ნაწილი ფხიზლობდა. ამიტომაც ჰერამ იგი დარაჯად დაუყენა ზევსისაგან განგებ ფურადქცეულ იოს, რადგანაც ქალღმერთი თავისი მეუღლის და იოს ურთიერთობაზე ეჭვიანობდა.

არსენა

„ვინ თქვა, არსენა მოკვდაო“. გავიგონებთ ხშირად ქართულ ზეპირპეტყველებში. არსენა საქართველოს სახალხო გმირია. მისი მხატვრული სახე შექმნა როგორც ზეპირსიტყვიერებამ, ისე ქართულმა მწერლობამ (ს. შანშიაშვილი, მ. ჯავახიშვილი). როგორც მ. ჯავახიშვილის რომანის, ისე ხალხური „არსენას ლექსის“ მიხედვით (უნდა ვიფიქროთ სინამდვილეშიც), არსენას შესანიშნავი ცხენი ჰყავდა. ამიტომაც, რომ ახლა, როცა არც თუ ისე საქებარ ცხენოსანს დავინახავთ, ხუმრობით, ირონიით ვამბობთ: „ვინ თქვა, არსენა მოკვდაო“. ასევე, არსენა იყო გმირი, რომელიც „მდიდარს ართმევდა, და ღარიბს აძლევდა“, სუსტიისა და დაჩაგრულის ქომაგი. ამ გაგებოთაც კარგ. ხალხისათვის თავდადებულ ვაჟაკებს დღესაც ამ სახელით მოვიხსენიებთ ზოგადად.

არიადნეს ძაფი (გორგალი)

კუნძულ კრეტაზე, დედალოსისაგან გამოკვეთილ ლაბირინთში. ძველებს წარმოდგენით, ბინადრობდა საშინელი ურჩხული — მინოტავ-

რომ ანუ მინოსის ხარი, რომლისათვისაც, მინოსისაგან ათენელებსათვის დადებული ხარკის შესაბამისად, ყოველწლიურად უნდა გაეგზავნათ შვიდი ქალ-ვაჟი.

ათენელებს რომ ამ ხარკმა დიდი ზარალი მიაყენა, ცნობილი ათენელი გმირი თეზევსი ნებაყოფლობით წავიდა ამ ურჩხულის საწინააღმდეგოდ. მისვლისას თეზევსმა შეიტყო, რომ ურჩხულის მოკვლის შემთხვევაში თვითონაც დაიღუპებოდა, რადგანაც ლაბირინთიდან ქვას ეღვარ გამოიკვლევდა.

ამით დამწუხრებულ და დაფიქრებულ თეზევსი ნახა და შეიკვლია კრეტის მეფის — მინოსის ქალიშვილმა არიადნემ. მან ყველაფერი იცოდა ლაბირინთისა და მინოტავრის შესახებ და ამიტომაც თეზევსს წელზე ძაფი გამოაბა და ლაბირინთში ისე შეუშვა. ძაფის მეორე ბოლო ქალმა ლაბირინთის შესასვლელში დაამაგრა. თეზევსმა რომ მინოტავრი მოკლა, ამ ძაფს გამოჰყვა და მხოლოდ ათე შეძლო ლაბირინთიდან გამოსვლა. ამიტომაც რომ ძნელი მდგომარეობიდან გამოსავალ საშუალებას „არიადნეს ძაფს“ (გორგალს) უწოდებს მთელი ცივილიზირებული კაცობრიობა.

არქიმედეს ბერკეტი

სახელგანთქმული ბერძენი მათემატიკოსი და მექანიკოსი არქიმედე სირაკუზელი ცხოვრობდა ძველი წელთაღრიცხვის მესამე საუკუნეში. მან დაამტკიცა, რომ სითხეში ჩაძირულ სხეულზე მოქმედებს ამომგდები ძალა, რომელიც მისგან გამოდევნილი სითხის წონის ტოლია. მანვე აღმოაჩინა ეგრეთწოდებული ბერკეტის მეთოდიც და სრულიად სამართლიანად განაცხადა: „მომეცით საყრდენი წერტილი და მე გადავაბრუნებ დედამიწას“ (ბერკეტი). აქედან გამომდინარე, არქიმედეს ბერკეტს ახლა ვუწოდებთ რაიმე დიდ ძალას, რომელსაც, კარგად გამოყენების შემთხვევაში, სასწაულის მოხდენაც კი შეუძლია. ეს ტერმინი ფართოდაა გამოყენებული მექანიკაში.

არც მწვადი დაწვა არც შამფური...

გამოთქმა ნიშნავს საქმის ისე გაკეთებას, რომ არავინ დაზარალდეს, საქმის არცერთი მხარე არ დაზიანდეს. სიტყვა „მწვადი“ წვის პროცესზე მიუთითებს და, აქედან გამომდინარე, წვადასრულებული მწვადი უკვე არც სახელს და არც დანიშნულებას აღარ ამართლებს. კარგმა მზარეულმა, მართლაც, არც მწვადი უნდა დაწვას (მეწვას ბოლომდე) და, მითუმეტეს, არც შამფური.

ასკლეპიონი:

ასკლეპიონის ბერძნულად და ესკულაპი ლათინურად ჰქვია ძველბერ-

თხულ მითოლოგიაში კარგად ცნობილ მკურნალობის მფარველ ღვთაებას. გადატანითი მნიშვნელობით ასკლეპიოსს ან ასკლეპიოსის შვილებს ვუწოდებთ ექიმებს.

ასტრევის ხანა||საუკუნე

ძველბერძნული მითოლოგიის მიხედვით ასტრევის სამართლიანობის მფარველი ღმერთქალის — დიკეს (სამართალს ნიშნავს) ზედმეტა სახელია (ასტერ — ვარსკვლავი). დიკე ანუ სამართლიანობა ქვეყანას ოქროს საუკუნეში მართავდა და მაშინ მთელ დედამიწაზე სიმართლე, სიმდიდრე და ბედნიერება სუფევდა. როცა ადამიანთა ხალხთები შეირყვნა და ცხოვრების ნირი უარესით შეიცვალა, დიკე ცაში დაბრუნდა და „ქალიშვილის თანავარსკვლავედად“ იქცა. გამოთქმა ბედნიერად განვლილი ღროის აღსანიშნავად იხმარება.

ატლასი||ატლანტი

ეს სახელი ჰქვია: ატლანტის ოკეანეს, ატლასის მთებს. გეოგრაფიული რუკების კრებულს, შენობათა ფასადებზე მდგომარე მამაკაცი (თა) გამოსახულებებს, რომლებიც ზოგჯერ საყრდენი ბოძების როლსაც ასრულებენ, კისრის პირველ მალას. ატლანტის ოკეანეში ჩაძირულ მითიურ კუნძულს (ატლანტიდა)... და ყველა ეს დაკავშირებულია მითიურ ტიტან ატლანტი||ატლასთან.

ბერძნული მითოლოგიის მიხედვით. ღმერთების წინააღმდეგ აჯანყებული ატლანტი იმით დასაჯეს. რომ აძულეს თავისი მხრებით დაემაკრებინა ცის თალი. იგი მტკიცედ იდგა დედამიწაზე და მხრებით. თავით და ხელებით ცის თალი ეჭირა. ამ მდგომარეობაშია გამოსახული იგი შენობათა ფასადებზე, ამ ფორმით გამოხატეს პირველ გეოგრაფიულ რუკათა კრებულებზე და ამ კრებულებს ატლასი შეარქვეს. გვიანდელი მითებისა და ლიტერატურული წყაროების მიხედვით ატლანტი ბოლოს ატლასის მთებად იქცა. ამის მიზეზია ის. რომ, ძველების წარმოდგენით, ატლასის მთებს ცისთვის ჰქონდათ მიბჯენილი წვდომები. კისრის პირველი მალისათვის ატლასის სახელის დარქმევა მეტად საინტერესოდაა გააზრებული. საქმე ისაა, რომ ატლანტი იდგა გეას (მიწას) და ურანოსს (ცას) შორის და მათ კვლავშეერთების საშუალებას არ აძლევდა. ადამიანის თავი, როგორც აზროვნებისა და არამიწიური ურძნობების ორგანო, გააზრებულია ცად, ტანი კი — მიწად. ატლასის მალა დგას მათ შორის და ციურს მიწიურისაგან გამოჰყოფს.

აქილევის ქუსლი

აქილეუსი ძველბერძნული მითოლოგიის ერთ-ერთი ყველაზე ცნობილი და საინტერესო გმირია. იგი მირმიდონელთა მეფის — მოკვ-

დავი პელევსისა და ღმერთჯალ თეტრიდას ვაჟია. რადგანაც აქილეუ-
სის სხეულში მოკვდავი მამის სისხლი ჩქეფდა, მოსიყვარულე დედამ
გადაწყვიტა, რაიმე საშუალებით უკვდავად ექცია შვილი. ამისათვის
იგი ბავშვს დღისით ამბროსიასა და ნექტარში (ვარიანტით ღვთაებ-
რივ სტიქსის (მდინარეა) წყალში) აბანავებდა, ღამ-ღამობით კი
ღვთაებრივი ცეცხლის ალზე რუჯავდა. ორივე შემთხვევაში დედას
ბავშვი ცალი ქუსლით ეჭირა და მასზე არც ღვთაებრივი სითხე
ზვდებოდა და არც ცეცხლის ალი.

ერთხელ, როცა თეტრიდა აქილეუსს ცეცხლის ალზე რუჯავდა,
პელევსმა დაინახა და დაიყვირა. ამით მან ღვთაებრივი განჩინება
დაარღვია და დედამ შვილის უკვდავყოფა ვეღარ შეძლო. აქილეუ-
სის სხეული თითქმის უვნებელი იყო, მაგრამ მისი ხსენებული ქუ-
სლი მოკვდავი ადამიანის ქუსლად დარჩა. ამიტომაც, ტროას ომის
როს პარისმა, აპოლონ ღმერთის შთაგონებით, ქუსლში მოაჭვედ-
ოა აქილეუსს ისარი და ასე მოკლა.

ამიტომაც, გამოთქმა „აქილეუსის ქუსლი“ ნიშნავს რაიმე მოძ-
ღვრების, მოვლენის, საქმის, მრწამსის, პიროვნების... ერთადერთ
სუსტ ადგილს, რაც, დღეს იქნება თუ ხვალ, მისი დაღუპვის მიზეზი
გახდება.

აქილეუსის ფარი

მას შემდეგ, რაც აქილეუსის მეგობარი — პილადე ავამემნონმა მოკ-
ლა და აქილეუსის საჭურველიც ხელთ იგდო (პილადეს ჰქონდა). დე-
დის — თეტრიდას თხოვნით პეფესტომ აქილეუსს გამოუჭედა ღვთაე-
ბრივი აბჯარი და მათ შორის არაჩვეულებრივი ხელოვნებით შეს-
რულებული ფარი, რომელიც დაწვრილებითაა აღწერილი ჰომერო-
სის „ილიადაში“ (მეთვრამეტე სიმღერა). გადატანითი მნიშვნელო-
ბით მიუწვდომელი ოსტატობით შესრულებულ ხელოვნების ში-
ცხერს ვუწოდებთ.

ბაბილონი

„ბაბილის“ მიხედვით ისტორიულ ქალაქ ბაბილონში დაგროვდა და
გამრავლდა მრავალი ადამიანური ცოდვა-ბრალი: მრუშობა, მზაკვ-
რობა. კაცისკლა. ბეზღება, სიცრუე და სხვა, რისთვისაც ქალაქი
ღმერთმა სასტიკად დასაჯა. ბაბილონს გადატანითი მნიშვნელობით
ახლა დიდ, გარყვნილებითა და აღვირახსნილობით განთქმულ ქა-
ლაქს უწოდებენ. ბაბილონი „ბიბლიაში“ ასეთ კონტექსტშიც ხში-
რად მოხსენიებულია.

ბაბილონის გოდოლი

„ბაბილის“ მიხედვით ბაბილონელებზე ღმერთის განრისხების ერთ-
ერთ მიზეზი ისიც იყო, რომ აქ გადაწყვიტეს. აეგოთ კოშკი, რო-

მელიც ცაში, ღმერთამდე მიაღწევდა. როდესაც კოშკი საკმაოდ მაღლა ასწიეს და ღმერთმა ამის შესახებ გაიგო, განრისხდა და მანამდე ერთ ენაზე მოსაუბრე ადამიანებს ენები აუკრია. ადამიანებმა ერთმანეთს ვეღარ გაუგეს, ატყდა ერთი შეხლა-შემოხლა, ჩხუბი და დავიღარაბა, გოდოლის მშენებლობა შეწყდა.

ახლა „ბაბილონის გოდოლს“ ვუწოდებთ რაიმე დიდ მშენებლობას ან ურთიერთშეთანხმებლობის საფუძველზე რაიმე დიდი საქმის გაფუჭებას: დიდ არეულობას, უწყისრიგობას...

ბალთაზარის ნადიმი

ჭალდიას, მეფემ — ნაბუქოდონოსორის ვაჟმა — ბალთაზარმა ათას-ცაცინო ნადიმი გამართა და სტუმრებთან ერთად ღვინოს შეექცეოდა. მან იერუსალიმის ტაძრის კუთვნილი ოქროსა და ვერცხლის სასწინებები გამოატანინა. იმით დაიწყეს სმა და თანაც არა შემოქმედ ღმერთს, არამედ ოქროს, ვერცხლის, სპილენძის, რკინის და სხვა ჯერკვანს აღიდებდნენ. ამ ყოფაში რომ იყვნენ, ვიღაც უხილაჟმა კედელზე რაღაც დაწერა. შეშინებულმა ბალთაზარმა მრჩეველებს მიმართა, მაგრამ წარწერა ვერაფერს გაშიფრა. ბოლოს იგი წაიკითხა ნაბუქოდონოსორის მოყვანილმა ერთ-ერთმა ტყვემ. წარწერის მიხედვით ბალთაზარს მამის უპატივცემულობასა და შემოქმედი ღმერთის უარყოფაში ედებოდა ბრალი. წარწერა აგრეთვე მისი სამეფოსა და მეფობის დასასრულზეც იუწყებოდა. მართლაც, იმავე ღამეს ბალთაზარი მოკლეს და მის სამეფოს მიდიელი ღარიოსი დაეუფლა.

ამ ამბიდან გამომდინარე, გადატანითი მნიშვნელობით, „ბალთაზარის ნადიმი“ ნიშნავს თავაშვებულ, უჯუნურ, ტრადიციების შეურაცხმყოფელ ღრეობას და დროსტარებას რაიმე დიდი უბედურების ნოლოდინში.

ბარბაროხი

ძველ ბერძნებს ყველა არაბერძენი ველურ, განუვითარებელ ადამიანად მიაჩნდათ და ბარბაროსებს ეძახდნენ. ბარბაროსს ახლა ვუწოდებთ სწორედ ისეთ ადამიანებს, რომლებიც არაადამიანური, ველური კანონებით მოქმედებენ, არ ემორჩილებიან ზოგადსაქცობრივ ეთიკას. აქედანაა აგრეთვე სიტყვა „ბარბარიზმი“ უცხოს, არაეროვნულის მნიშვნელობით.

ბართლომეს ღამე

1572 წლის 24 აგვისტოს, წმინდა ბართლომეს დღესასწაულის წინა დამკლ. პარიზში, საფრანგეთის მეფის შარლ IX-ის დედის — ეკატერინე მედიჩისა და კათოლიკე ჰერცოგების თაოსნობით მოხდა

პუგენოტების (ერთ-ერთი რელიგიური სექტაა) მასობრივი ქლეტა. დაიღუპა სამიათასზე მეტი. ხოცვა-ქლეტა შემდგომ დღეებში გავრცელდა საფრანგეთის სხვა ქალაქებშიც.

გადატანილი მნიშვნელობით „ბართლომეს ღამე“ ნიშნავს დიდ ხოცვა-ქლეტას, ვერაგ თავდამსხმელთა ძალადობას, უიარაღო და უდანაშაულო მოსახლეობის სისხლისღვრას.

ბახუსი

ეს სიტყვა მევენახეობისა და მეღვინეობის მფარველი ძველბერძნული ღვთაების — დიონისეს ერთ-ერთი ზედმეტი სახელია. ზოგადად, გადატანილი მნიშვნელობით ბახუსს ვუწოდებთ ყოველგვარ ალკოჰოლიან სასმელს. აქედან გამომდინარე, „ბახუსის მონა“ ჰქვია ლოთს. „ნაბახუსევი — ნამთვრალევეს ან მთვრალს, „ბახუსის ველს“ სუმრობით უწოდებენ მაგრდას, სადაც დიდი რაოდენობით ისმევა ღვინო, ან სხვა რაიმე მაგარი სასმელი.

ბეწვის ხიდი

ბეწვების წარმოდგენით ადამიანის სიკვდილის მერე მისი სული არ კვდება და სხვა ქვეყანაში გადაინაცვლებს. სააქაოდან საიქიოში გადასვლისას ადამიანის სული თითქოს სიბნელითა და მრავალი საშიფელებით სავსე უფსკრულის თავზე გადებულ ბეწვის ხიდზე გაივლის. თუ ადამიანი ამქვეყნად წმინდად და პატიოსნად იქცეოდა, თუ სიკეთეს აკეთებდა და არ ცოდვდა, მისი სული თავისუფლად გაივლის ბეწვის ხიდზე, რადგან მას ჩადენილ ცოდვათა წონა არ დაამძიმეს და შადლი, რომელსაც სიცოცხლეში იქმოდა, მხრებში ამოუდგება და, თუ რამ ცოდვით იყო დამძიმებული, გაუბათილებს. გინც შეძლებს ამ ხიდზე გავლას, მარადსანეტარო სამოთხეში მოხვდება, ხოლო ცოდვათაგან დამძიმებულს ფეხქვეშ ჩაუწყდება და ჯოჯოხეთში, მარადიულ სატანჯველში ჩავარდება.

ამ წარმოდგენიდან გამომდინარე, შეიქმნა მხატვრული გამოთქმა „ბეწვის ხიდი“ ან „ბეწვის ხიდზე გავლა“, რაც ნიშნავს მეტად ძნელ ბიზნამდე ან ადგილამდე მიღწევას, სადამდე მისვლაც დიდ სიფრთხილეს და გამბედაობას მოითხოვს.

გალაქტიკა

„გალაქტოს“ რძეს ჰქვია ბერძნულად, „გალაქტიკოს“ კი „რძიანს“ ნიშნავს. საქმე იმაშია, რომ ცის სივრცე, რომელსაც გალაქტიკას ვუწოდებთ, თითქოს მართლაც რძისფერია. ალბათ, ცის ასეთმა აღქმამ შექმნა ბერძნული მითი იმის შესახებ, რომ ეს ჰერას რძით მორწყული თუ განზანდილი სივრცეა. ზოგი მითის მიხედვით ეს არის .გზა ოლიმპოდან დედამიწისაკენ.

განხეთქილების ვაშლი

ღველებერძულ მითოლოგიაში კარგადაა ცნობილი განხეთქილების რძერქალი ერიდა. მას არცერთ თავყრილობაზე არ პატიუებდნენ ღმერთები, რადგან ეშინოდათ, მათ შორის რაიმე შფოთი არ ჩამოეგდო. არც თეტიდასა და პელეგისის ქორწილში დაპატყეს იგი. განაწყენებულმა ერიდამ აილო ოქროს ვაშლი, ზედ წააწერა „ულამაზეას“, საქორწინო დარბაზში ფარულად შევიდა და მოცეკვავე ქალღმერთების ფეხებთან დაავდო. ქალღმერთებმა რომ ვაშლი აიღეს და წარწერა წაიკითხეს, ცხადია, ყველამ მოისურვა მისი დაპატრონება. საბოლოო არჩევანის უფლება სამმა ქალღმერთმა: პეტრამ, ათენამ და აფროდიტემ დაიტოვა. ამ ღზინის დროსაც ქალღმერთებმა დავამ დიდი შფოთი გამოიწვია. ზევსის ბრძანებით და სხვა ღმერთების თანზმობით, სადავო საკითხი ტროის მეფისწულს — პარისს უნდა გადაეწყვიტა.

პარისმა უპირატესობა აფროდიტეს მიანიჭა იმის გამო, რომ იგი შეპირდა, ეყუენად ულამაზეს ქალს შეგერთავ ცოლადო. მართლაც ისე მოხდა, რომ აფროდიტეს შემწეობით პარისმა მენელაოსის ცოლი — უმშვენერესი ელენე მოიტაცა და ეს უქანასკნელი კი ფელო სამყაროს უდიდესი განხეთქილების — ტროას ომის ერთერთი მთავარი მიზეზი გახდა. აქედან გამომდინარე „განხეთქილების ვაშლს“ რაიმე დავის, ჩხუბის. ომის მიზეზს ვუწოდებთ.

გარდაიცვალა დიდი პანი

პლუტარქეს გადმოცემით, ტიბერიუსის მეფობის დროს პელოპონესიდან იტალიაში გემი მიემგზავრებოდა. როდესაც გემი კუნძულ ნაპოსს მიუახლოვდა, მესაქეს შემოესმა ხმა: „გარდაიცვალა დიდი პანი“. როდესაც ტიბერიუსმა ამის შესახებ გაიგო, მეცნიერები მოიწვია და მათ აუხსნეს, რომ პანი, რადგან იგი ღმერთისა და მოკვდავი ქალის შვილი იყო, ღმერთებივით უკვდავებას ვერ შეინარჩუნებდა. ქრისტიანი ავტორები „პანის გარდაცვალებას“ კერპთაყვანისმცემლობის დამხობის სიმბოლოდ მიიჩნევენ, რადგან ქრისტეს დაბადებისა და გარდაცვალების ხანა ტიბერიუსის მეფობის პერიოდს ენთხვევაო.

ასლა ეს გამოთქმა გამოიყენება დიდი ეპოქის დასრულების აღსანიშნავად. ასე ვამბობთ მაშინაც, როცა ვინმე დიდი პიროვნება გარდაიცვლება. შეიძლება გამოთქმა ირონიული მნიშვნელობითაც გამოიყენოთ.

გედის სიმღერა

არსებობს. რწმენა, თითქოს გედები სიკვდილის წინ მღერიან. ყოველ შემთხვევაში გამოთქმა „გედის სიმღერა“ ნიშნავს პიროვნებისაგან ანა თუ იმ სფეროში გამომქდავენბულ ბოლო ნიჭს, ბოლო საწინა-
ნობას.

ცნობილი ზოლოგი ბრემი ნატურალისტებზე დაყრდნობით ამ-
ტყიციებს, რომ დაპრილი გედი როცა კვდება, მართლაც გამოსცემს
სასიამოვნო ხმებს, თითქოს ვერცხლის ზარის ნელი მელოდიააო. ასე
რომ, ამ გამოთქმას რეალური საფუძველიც ჰქონია.

გიგანტი

ძველბერძნული მითოლოგიის მიხედვით გიგანტები არიან საყოველ-
თაოდ ცნობილი ბუმბერაზები, გეასა და ურანოსის ვაჟიწვილები,
რომლებმაც ოლიმპიელი ღმერთების წინააღმდეგ გაილაშქრეს. მას
წემდეგ რაც ოლიმპიელებმა დამხმარედ მოიხმეს კიკლოები, ჰეკა-
ტონხიერები (ასხელოვანი ბუმბერაზები) და ჰერაკლე, გიგანტები
დამარცხდნენ. თანამედროვე გაგებით „გიგანტი“ ნიშნავს დიდ ბუმ-
ბერაზ პიროვნებას, საქმეს, საგანს და სხვა.

გოგი და მაგოგი

გოგი არის ბიბლიური ქვეყნის — მაგოგის მრისხანე მეფე. მათზე
საუბარია „ბიბლიაში“ (ეზეკიელი, 38 39. აპოკალიფსი 20,7). ეზე-
კიელის მიხედვით გოგი და მაგოგის ხალხი შორეულ მომავალში
ჩრდილოეთიდან მოვლენ და ისრაელს გაანადგურებენ. აპოკალიფ-
სის მიხედვით მათი შემოსევა მოსალოდნელია „განკითხვის დღის“
წინ. გადატანითი მნიშვნელობით „გოგი და მაგოგი“ ნიშნავს რაიმე
საშინელს, მრისხანეს, რაც ადამიანებს შემადრწუნებელ შიშს ჰკვირს.

გოლგოთა

„სახარების“ მიხედვით გოლგოთაზე (მთა იერუსალიმის მახლობ-
ლად) ჯვარს აცვეს ქრისტე. ამავე მთაზე დამნაშავეებს სიკვდილით
სჯიდნენ ხოლმე. ამ უკანასკნელ ამბავთან უნდა იყოს კავშირი ამ
მთის სახელწოდებაც. არაბულად „გულგუეთა“ „თავის ქალას“ ნიშ-
ნავს.

გადატანითი მნიშვნელობით „გოლგოთა“ ნიშნავს დიდი წამე-
ზის ადგილს, ტანჯვას... მართალი და კეთილი ადამიანის სულიერ
და ფიზიკურ წამებას. „გოლგოთის გზა“ — მისწრაფება რაიმე დია-
ლისაკენ, რომელთანაც მისვლა დიდ შრომას, გარჯა-წვალებას მოი-
თხოვს.

გოლიათი

„ბიბლიის“ მიხედვით (I მეფეთა 17) გოლიათი ფრლისტიმელთა ვპირ-
რყო — სიმაღლიო ექვისი წყრთა და ერთი მტკაველი. როდესაც ფი-

ლსტიმელები და იზრავლები ერთიმგორეს შეებრძოლნენ, გოლი-
ომა ყველას გასაგონად განაცხადა: გამოიყვანეთ თქვენი გმირი, თუ
ეგი დამამარცხებს, ჩემი ხალხი გეყმობათ, ხოლო თუ მე დავძლევ,
უნდა დაგვეპონოთო. იზრავლები შეშინდნენ და დიდხანს ვერავინ
ვაბედა გოლიათთან შერკინება. მოგვიანებით დავითი მოვიდა, უსა-
ჭურვლოდ შეებრძოლა მას, ღმერთ საბათის ნებით გაძლიერებულ-
მა შურდულით ქვა ესროლა გოლიათს და ასე მოკლა.

ახლა, როგორც ვიცით, გოლიათი დიდი აღნაგობის, ძლიერი ალა-
ზიანის აღსანიშნავი საზოგადო სახეღია.

გორდიასის კვანძი

ერთი ფრიგიული ლეგენდის თანახმად, იყო ვინმე უბრალო მიწათ-
მოქმედი გორდიასი. ერთხელ, როდესაც ეგი მინდვრად შრომობდა,
მისი ხარების უღელზე არწიჲი ჩამოჯდა. ეს ამბავი წინასწარმეტყ-
ველებმა ასე ახსნეს, რომ გორდიასი ოდესმე მეფე გახდებოდა. მარ-
ცილაც, ფრიგიელებმა მეფე მალე გადააყენეს და სპიანოს მიპარ-
თეს, ვინ გაემეფებინათ. სამისნომ განაცხადა, რომ მეფედ უნდა აერ-
ჩიათ ის. უისაც პირველად შეზღუდებოდნენ ურემზე მჭდომარეს, ასე-
თი კი სწორედ გორდიასი გამოდგა. მეფედ არჩეულმა გორდიასმა
ტადარი ააგებინა, თავისი ურემი შიგ დააყენებინა და მარხილები
ერთულესი კვანძებით მიაბა უღელზე, რადგან უმისნეს, რომ მისა
სახელმწიფო მანამ იარსებებდა, სანამ ამ კვანძებს არ გახსნიდნენ.
კადიოდა დრო და კვანძებს ვერავინ ხსნიდა.

ამბობენ, რომ ეს ურემი ალექსანდრე მაკედონელის დროსაც არ-
სებობდა და კვანძიც გაუხსნელი იყო. ალექსანდრეს უტღია მისი
გახსნა, მაგრამ რომ ვერ მოუხერხებია, გაჯავრებულა და ხმლით გა-
უჩეხია. აი, ამ ამბებთანაა დაკავშირებული გამოთქმები: „გორდიას-
ის კვანძი“, „გორდიასის კვანძის გახსნა“, „გორდიასის კვანძის გა-
ჩეხვა“. პირველი გამობატავს ძნელად ამოსაცნობ ამოცანას, ძნელად
გადასაწყვეტ საქმეს: მცორე — ძნელი სიტუაციიდან გამოსვლას, რა-
ინე ძნელად გადასაწყვეტი საქმის ჯონივრულად გადაწყვეტას, მესა-
ნე კი — რაიმე ძნელად გადასაჭრელი საქმის ძალმომრეობით, უხე-
ვად გადაჭრას.

დავით დროიძე

ეგნატე ნინოშვილის მოთხრობის („სიმონა“) მიხედვით დროის წყა-
ლობით ჯამდიდრებული გლეხი, რომელიც ახალ მტანჯველად მოვ-
ლენია თავისსავე სოფელს და მეზობლებს. გადატანითი მნიშვნელო-
ბით სწორედ ასე, დროების წყალობით გამდიდრებულ. უღირს და
ქონებით გათამამებულ კაცს ეწოდება.

დათუვი სამსახური

დათვი შედარებით მოუქნელი ცხოველია და არც დიდი გონიერებით გამოირჩევა. ესაა იმის მიზეზი, რომ კრილოვმა იგავ-არაკი „მეუღლანოე და დათვი“ შექმნა. იგავის მიხედვით დათვი თითქოს ეხსალება აწირს, მაგრამ დახმარების მაგიერ ზიანს აყენებს...

გამოთქმა, როგორც ვიცით, ნიშნავს ისეთ უაზრო დახმარებას, რომელიც ადამიანისათვის ზიანი უფრო მოაქვს.

დამოკლეს მახვილი

გამოთქმას ისტორიული ფაქტი უძევს საფუძვლად. ამბობენ, რომ სირაკუზის მეფეს, ტირანიითა და სიმკაცრით განთქმულ დიონისიოსს პირველს, რომელიც ჩვენს ერამდე 432—367 წლებში ცხოვრობდა. ჰყავდა მეგობარი და თანამებრძოლი დამოკლე, რომელიც მეფეს მოკვდავთა შორის უბედნიერეს კაცად მიიჩნევდა. მეფემ იცოდა, რომ მისი მდგომარეობა ბედნიერება კი არა, მარადიული შიშის იყო და, დამოკლე რომ ამაში დაერწმუნებინა, ერთი დღით გადასცა სამეფო ხელისუფლება. უზომოდ ბედნიერმა დამოკლემ ნადიმი გამართა და ილხენდა, მაგრამ უცებ მაღლა აიხედა და ცხენის რუის ერთი ბეწვით ჩამოკიდებული გაშიშვლებული მახვილი დაინახა. — თურმე იგი წინასწარ დიონისიოსს ჩამოეკიდებინა დამოკლესათვის იმის საუწყებლად, რომ მეფის ბედნიერ ცხოვრებას მარად ენუქრება უდიდესი საშიშროება. დამოკლე დარწმუნდა, რომ მეფო-ბა და თუნდაც განუსაზღვრელი ძალაუფლება არ არის უდიდესი ბედნიერება...

აქედან გამომდინარე, გამოთქმა „დამოკლეს მახვილი“ გადატანითი მნიშვნელობით იხმარება და დიდ, მაგრამ მოჩვენებით ბედნიერებას ამოფარებულ დიდ საშიშროებას ნიშნავს.

დანაეღთა საჩუქარი

ბერძნებს ზოგჯერ დანაეღებსაც უწოდებენ, განსაკუთრებით ეს ეხება პომპროსის „ილიადაში“. როდესაც ბერძნებმა ვერა და ვერ შეძლეს ტროის კედლებს შიგნით შესვლა, ოდისევსის რჩევით ააგეს ხის უზარმაზარი ცხენი, შიგ ფარულად მრავალი მამაცი მეომარი ჩასვეს. თავიანთი კარები დაწვეს, გემები სანაპიროდან ზღვაში შეაღებეს, თითქოს წავიდნენ და ხის ცხენი ტროის კარიბჭესთან დატოვეს. დღით რომ ტროელებმა ყოველივე ეს ნახეს. გაეხარდათ, იფიქრეს. ბერძნები ჩამოგვეხსნენო. საოცარი სიდიდის ცხენი ღვთაებრივ საჩუქრად ჩათვალეს და ქალაქის კედლებს შიგნით შეაგორეს, თუმცა წინასწარმეტყველმა ლაოკონმა განაცხადა, მეშინია მე დანაეღთა საჩუქრისაო. დამით ხის ცხენიდან მალულად გადმოვიდ-

ნ ბერძნები და ამდენი გასაქირის გადამტანი ქალაქი ერთიანად
აოხრეს. ამის შემდეგ „დანაელთა საჩუქარს“ უწოდებენ მტრისაგან
შემოთავაზებულ წინადადებას, რომელიც მოპირისპირეს კარგ რა-
მეღ მოაჩნია, სინამდვილეში კი მის დასალუბადაა გამოზნული.

დანაიდების კასრი

დანაოსი ეგვიპტის მეფის — ბელოსის ვაჟი იყო. მის ძმას — ეგ-
ვიპტოსს ორმოცდაათი ვაჟი შეეძინა, დანაოსს კი — ორმოცდაათი
ქალიშვილი, რომლებიც ბერძნულ მითოლოგიაში დანაიდებად
ანუ დანაოსის ასულებად არიან ცნობილნი.

ეგვიპტოსის ვაჟებმა დანაიდებთან ქორწინება მოისურვეს, მაგ-
რამ დანაოაი ამ ქორწინების სასტიკი წინააღმდეგი იყო და ქალიშვი-
ლებიანა ეგვიპტიდან გაიქცა. როდესაც დანაოსი არგოსის მეფე გახ-
და, ეგვიპტოსის ვაჟებმა მაინც მონახეს იგი და აიძულეს. დაეკმაყო-
ფილებინა მათი სურვილი.

მამის შთაგონებით ქალიშვილებმა საქორწინო სარეცელზე და-
ხოცეს თავიანთი საქმროები (მხოლოდ ერთმა — ჰიპერმნესტრამ შე-
იპარა თავისი წყვილი — ლინკევსი).

ამ ცოდვის ჩადენის გამო, გვაუწყებენ ბერძნული მითები. და-
ნაიდები ასე დაისაჯენ სულების ქვეყანაში: მათ უძირო კასრების გა-
ვსება დაევაღათ. აქედან გამომდინარე, „დანაიდების კასრს“ ვუწო-
დებთ ყოველთა იმას, რისი გავსებაც არ შეიძლება. „დანაიდების
კასრში წყლის სხმას“ — უნაყოფო შრომას.

დაფნის გვირგვინი

„დაფნის გვირგვინს“ დღეისათვის ორნარი გაგება აქვს: უპირვე-
ლესად ეს არის მცენარე დაფნისაგან გაკეთებული ნამდვილი გვირ-
გვინი. რომლითაც ხალხისა და ქვეყნის წინაშე დამსახურებულ ად-
მიანებს ამკობენ. აქედან წარმოიშვა „დაფნის გვირგვინის“ ზოგადი,
გადატანითი მნიშვნელობა — ღირსეული ადამიანის ღირსეულად
დაფასება. ძველ საბერძნეთში ოდიოვანვე დაფნის გვირგვინით ამ-
კობდნენ ღირსეულ და დამსახურებულ მოქალაქეებს, რისი მიზეზიც
ეს იყო, რომ დაფნა ხელოვნების თითქმის ყველა დარგის მფარვე-
ლი ღმერთის — აპოლონის წმინდა მცენარედ ითვლებოდა.

ძველბერძნული მითები გვიამბობენ, რომ აპოლონს შეუყვარდა
სიმშვენიერით სახელგანთქმული ფერია დაფნე და მის დაპატრონე-
ბას ცდილობდა, მაგრამ ფერია დიდ წინააღმდეგობას უწევდა. ერთ-
ხელ აპოლონმა დაიმარტოხელა დაფნე და გამოედევნა. აპოლონი
რომ ფერიას წამოეწია და ხელთ უნდა ეგდო, დაფნემ თავი და ხე-
ლები ცისაკენ აღმართა და ღმერთს შესთხოვა, ეხსნა იგი ამ ვანსაც-

დელსიან. ღმერთმა მისი თხოვნა შეისმინა და ასევე ხელებშეძარ-
თული, დაფნის ხედ აქცია. ამის შემდეგ დაფნა აპოლონის უსაყვა-
რლესი მცენარე გახდა.

დემოსთენე

სახელგანთქმული ბერძენი ორატორი, ათენის დემოკრატიისათ-
ვის თავდადებული მებრძოლი — დემოსთენე (384—322) დაბადებით
ბლუ იყო. იგი შვიდი წლისა დაობლდა და შრობლებისაგან დანატოვარ
დიდ ქონებას ნათესავეები ეცილებოდნენ. მაშინ ათენში ორატორობა
დიდად ფასობდა და ყმაწვილმა მტკიცედ გადაწყვიტა, კარგად შეეს-
წავლა ეს ხელოვნება, რომ თავი თვითვე დაეცვა სასამართლო პრო-
ცესებზე, მაგრამ ენაბლუობა მეტისმეტად უშლიდა ხელს. მან რწმე-
ნა არ დაკარგა, ჩანჩქერებისა და ზღვის ხმაურში ვარჯიშობდა მეტ-
ყველებში, ყრუ სარდაფებში ჩაკეტილი წარმოსთქვამდა ვრცელ სი-
ტყუებს, პირში კენჭებს იყრიდა და ისე ლაპარაკობდა. მალე დაძლია
მან ეს ფიზიკური ნაკლი და უდიდესი ორატორი გახდა.

დემოსთენე ახლა ეწოდება დიდ ორატორს. ან იმას, ვინც
რასახული მიზნის მიღწევისათვის თავგამოდებით იბრძვის, დიდი წი-
ნაღმდეგობების გადალახვის შემდეგ მიაღწევს დასახულ მიზანს.

დიანა

რიპაული მითოლოგიის მიხედვით დიანა იყო მთვარის განსახიერე-
ბა და მისი ღვთაება. დიანა მამაკაცებს გაუბროდა და მარადიულ ქა-
ლწულობას ინარჩუნებდა. ერთადერთი, მშვენიერი ენდომიონი შეუ-
ყვარდა მას და მისი სარეცელიც არ გაიზიარა. თანამედროვე გაგე-
ზით დიანას ეძახიან როგორც მთვარეს, ასევე კდემამოსილ. მორცხვ
ქალაშვილებს.

დიოგენეს ფარანი

ჩვენს ერამდე მეოთხე საუკუნეში სინოპში ცხოვრობდა სახელგანთ-
ქმული ბერძენი ფილოსოფოსი დიოგენე, რომლის სახელთანაც
მრავალი უცნაურობაა დაკავშირებული — იგი უარყოფდა ყოველი-
ვე ამქვეყნიურს, კერძოდ ყოველგვარ ცივილიზაციას და მოითხოვ-
და, რომ ადამიანები პირველყოფილ მდგომარეობას დაბრუნებოდ-
ნენ. იგი იყო უდიდესი კოსმოპოლიტი და თავს მსოფლიოს მოქა-
ლაქედ თვლიდა.

თურმე ერთხელ დიოგენე ათენის ქუჩებში დღისით ანთებული
ფარნით დადიოდა და როდესაც ჰკითხეს, რას აკეთებო. უპასუხია —
აღაძიანს ვეძებო. იგი ისეთივე ადამიანს ეძებდა, როგორი შეხედუ-
ლებაც მას თავის თავზე ჰქონდა და, ცხადია, ასეთს ვერსად იპო-
ვიდა. აქედან მომდინარეობს გამოთქმა „დიოგენეს ფარანი“ და „დი-
ოგენეს ფარნით რაიმეს ძებნა“.

დიოგენე ყოველგვარ აშკვეყნიურ წესს უარყოფდა და კასრში ცხოვრობდა, ამიტომაც აქედანვე მომდინარეობს გამოთქმა „დიოგენეს კასრი“. ამზობენ, როცა კასრში მცხოვრებ დიოგენესთან აღუქსანდრე მაკედონელი მისულა და უკითხავს, ღომ არაფერი გინდაო, მას უპასუხია: „სოტა იქით გაიწიე, მზეზე ნუ მეფარებიო“.

ღონ კიხოტი

„ღონ კიხოტს“ ვუწოდებთ ადამიანს, რომელიც სინამდვილეს მოწყვეტილია, ფანტაზიით და ოცნებით ქმნის, ან ანადგურებს; მარცალია, სიკეთით სავსეა, მაგრამ უძლურია იმ საქმის გასაკეთებლად, რომლისთვისაც იბრძვის. ღონ კიხოტი სერვანტესის ცნობილი გმირია, მას სანჩო პანსა „მწუხარე სახის რაინდს“ უწოდებს.

ღონ კიხოტი ქარის წისკვილს ბოროტ არსებად მიიჩნევს და თავგამოდებით ებრძვის მას, აქედანაც გამოთქმა „ქარის წისკვილთან ბრძოლა“.

ღონ ყუანი

ძველი ესპანური ლეგენდის მიხედვით ღონ ყუანი იყო სახელგანთქმული აშვიკი, მაცდური და ლამაზი ყმაწვილი. რომლის ცხოვრების მიზანს სასიყვარულო ფათერაკები და განცდები წარმოადგენდა. მსოფლიო ლიტერატურაში ეს სიუჟეტი ასზე მეტ ნაწარმოებშია გამოყენებული, განსაკუთრებით ცნობილია მოლიერის „ღონ ყუანი“ (1665). „ღონ ყუანს“ ახლა სწორედ ასეთივე ხასიათის, ქალებისა და სასიყვარულო ინტრიგების მოყვარულ მამაკაცს ვუწოდებთ.

დრაკონის კბილები

თებეს ციკლის თქმულებების სახელგანთქმულმა გმირმა — კადმოსმა თავისი მსახურების დახოცვისათვის მოკლა ომის ღვთაების — არესის ვაჟი — დრაკონი. ამით განაწყენებულმა ქალღმერთმა ათენამ კადმოსს უბრძანა, მიწა მოეხნა, დრაკონისათვის (დიდ გველს ეწოდება ბერძნულად) კბილები დაეძრო და დაეთესა. კადმოსი ასეც მოიქცა, მაგრამ უცებ მიწიდან შეიარაღებული მეომრები ამოიშართენ და, ისევ ათენას შემწეობა რომ არა, კადმოსს იქვე მოკლავდნენ, ათენას რჩევით კადმოსმა ქვა გადაავდო მათ შორის, მეომრები ერთ-ერთს დაერივნენ და ხუთს, გარდა ყველანი დაიხოცნენ.

ამზობენ, რომ დრაკონის კბილების ნახევარი ათენამ აიეტს გადასცა და მან იასონს მისცა დასათესად. იქიდანაც აღმოცენდნენ საშინელი მეომრები და იასონმა მხოლოდ მედეას შემწეობით დაიხსნა მათგან თავი. ამ მითიდან გამომდინარე, „დრაკონის კბილების დათესვა“ გადატანითი მნიშვნელობით მეომრების გამოზრდას, ომისათვის მზადებას ეუწოდებთ, დრაკონს კი — რაიმე საშინელ ძალას.

ღუმელი თანხმობის ნიშანია

გამოთქმა სოფოკლედან მომდინარეობს. ტრაგედიაში „ტრაქინელი ქალები“ არის ასეთი წინადადება: „ნუთუ ვერ გრძნობ, რომ ღუმელით ბრალმდებელს ეთანხმები?“.

ღღევანდელი ფორმით ეს გამოთქმა პირველად, ჩანს, რომის პაპს — ბონიფაც მერვეს გამოუყენებია (1294—1303).

ეგ არის და გორის ციხე

გამოთქმა წმინდა ქართულია, ვამბობთ მაშინ, როცა საკმაოდ ძნელ და მომქანცველ საქმეს დავასრულებთ, რომლის დასრულებითაც მეტად კმაყოფილი ვართ. ჩანს, რომ გამოთქმა ისტორიულ გორის ციხესთანაა დაკავშირებული. ცნობილია, რომ გორის ციხე მრავალგზის დააქცია გარეულმა თუ შინაურმა მტერმა, მაგრამ ქართველობამ კვლავ აღადგინა. მომქანცველი, მაგრამ მეტად საჭირო შრომის დამთავრების შემდეგ ალბათ, სიამოვნებით წამოიძახებდნენ ხოლმე ჩვენი წინაპრები: ეგ არის და... გორის ციხე ისევ აშენებულია! მტერო, ახლა ვერაფერს დაგვაკლებო.

ეგიდა

ანამედროვე გაგებით მფარველობის, მფარველის, თავდასაცავი საშუალების მნიშვნელობით იხმარება.

ძველებერძული მითოლოგიის მიხედვით, როცა ზევსი ტიტანებს ებრძოდა, ფარზე თავისი ძიძის — თხა ამაღლეთას ტყავი გადააკვრევინა და ზედ გორგონას თავი გამოაკვეთინა. ამით მან მოძალადეთა თავდასხმები აიცილა. ამ ფარს ეგიდა ერქვა (თხის ტყავს ნიშნავს ბერძნულად). იგი ზევსის, ათენას, აპოლონის ატრიბუტია.

ჰომეროსის მიხედვით ეგიდა ზევსის ის ფარია, რომელიც მას ჰეფესტომ დაუშადა.

ედემის ბაღი

„ბიბლიის“ მიხედვით, სიკვდილის შემდეგ ადამიანის სული საიქიოში მიდის საიქიო ორი ნაწილისაგან — ჯოჯოხეთისა და სამოთხისაგან შედგება. ჯოჯოხეთში ავისმქმნელნი და ურწმუნონი ხვდებიან, სამოთხეში კი — კეთილისმოქმედნი და მორწმუნენი. სამოთხე მარადიული სანეტარო ადგილია, ედემის ბაღი კი — მისი საუკეთესო კუთხე. ამიტომაც ედემის ბაღს ულამაზეს, სიმშვენიერითა და სიმდიდრით განთქმულ ადგილს ვუწოდებთ.

ევა

სახელი ებრაულია და „სიცოცხლეს“, „სიცოცხლის საწყისს“ ნიშნავს. „ბიბლიის“ მიხედვით იგი ადამის ნეკნისაგან შექმნა ღმერთმა ადამის ცოლად და შემდგომდროინდელი ადამიანების დედად

დაწესა. თქმულენის მიხედვით ედემის ბაღში, სადაც ღმერთმა ადამი და ევა დაამკვიდრა, მრავალთა შორის ხარობდა ე. წ. კეთილისა და ბოროტების შემეცნების ხე, რომლის ნაყოფის გასინჯვაც მათ შემოქმედმა ღმერთმა აუკრძალა. ევას ქალურმა ცნობისმოყვარობამ წაძლია, ეს ხილი მიანიც იგემა და შემდეგ ადამიც აცდუნა. ამისათვის მათ ღვთის რისხვა დაიმსახურეს. ახლა ევას ვუწოდებთ მეტად ცნობისმოყვარე და მაცდურ ქალს.

ევრიკა

სახელგანთქმული ბერძენი სწავლული — არქიმედე (287—212) პილოტატის კანონზომიერების დადგენაზე დიდხანს მუშაობდა. ერთხელ, აბაზანაში ყოფნისას, მან უეცრად გაიზარა, რომ „სითბე-ში ჩაძრულ სხეულზე მოქმედებს ამომგდები ძალა, რომელიც ჩაძირული სხეულისაგან გამოდევნილი სითხის წონის ტოლია“. აღმოჩენით გახარებულმა სწავლულმა უცებ წამოიძახა: „ევრიკა!“ — „აღმოვაჩინე!“ და აბაზანიდან შიშველი გამოვარდა. ახლა ასე წამოვიძახებთ ხოლმე ჩვენც, როცა რაიმე გაუგებარს გავიგებთ, შეუძენებელს შევიმეცნებთ, შექმნილი რთული სიტუაციიდან გამოსავალ სწორ გზას გამოვინახეთ.

ეზოპეს ენა

ძველი წელთაღრიცხვის მეექვსე საუკუნეში საბერძნეთში ცხოვრობდა სახელგანთქმული იგავთმწერალი — ეზოპე. იგი მონა იყო, და როგორც დაბეჩავებული კლასის წარმომადგენელს, არ შეეძლო თავისუფლად პირდაპირ ეთქვა სათქმელი. ამიტომ მან იგავ-არაკულ ენარს მიმართა. ამიტომაც ალეგორიულად, შენიღბულად ნათქვამს ახლა ეზოპეს ენას ვუწოდებთ.

ელდორადო

გაქოთქმა „ოქროვანს“ ნიშნავს ესპანურად. ამერიკის აღმოჩენის შემდეგ ევროპაში გავრცელდა ხმები იმის შესახებ, რომ ამერიკაში არის ზღაპრული მხარე, სადაც უხვადაა ოქრო და სხვა განძი. ამას ბევრი რეალური ექსპედიცია მოჰყვა სამხრეთ ამერიკის სხვადასხვა რეგიონში. ახლა „ელდორადო“ ბედნიერებით აღსავსე საოცნებო მხარეს ნიშნავს.

ელისეს მინდვრები

ელისეს ანუ ელისიის მინდვრები, ბერძნული მითოლოგიის მიხედვით, ულამაზესი მხარეა საიქიოში, სადაც საუკუნოდ ცხოვრობენ ცხოვრებულ ადამიანთა სულები. აქ არც ზამთრის სიცივე აწუხებს ვინმეს და არც ზაფხულის სიცხე. ელისიის მინდვრები შეიძლება გავაიგივოთ ქრისტიანულ სამოთხესთან. ნიშნავს ლამაზ, მდიდარ მხარეს.

ეპიგონები

ეპიგონი ბერძნული სიტყვაა და ქართულად „შემდგომობა“-ს ნიშნავს. თებესთან შვიდი მხედარმთავრის დაღუპვის ათი წლის შემდეგ არგოსელმა გმირებმა თავიანთი მამების სისხლის აღება გადაწყვიტეს. ბერძნულ მითოლოგიაში ისინი „ეპიგონებად“ იწოდებიან. მათ გმირი ადრასტოსი მეთაურობდა და ლაშქრობა უშედეგოდ დამთავრდა. ამის გამო, ელინისტური პერიოდიდან მოყოლებული, „ეპიგონი“ ზოგადი სახელი გახდა და ყოველი მხედარმთავრის შვილსა და შთამომავალს ეწოდებოდა. გადატანითი მნიშვნელობით კი ეპიგონი ჰქვია რაიმე საქმის უხეირო მიმდევარს, რომელიც ცდილობს, ორიგინალური იყოს, მაგრამ თავისი წინამორბედის გავლენას ვერ გაუტრბის.

ექიდნა

ქველბერძნული მითოლოგიის მიხედვით ექიდნა ჰადესში მცხოვრებია. ნახევრად გველისა და ნახევრად ქალის ტანის ბოროტი ურჩხული იყო. გადატანითი მნიშვნელობით ბოროტი, ცბიერი ადამიანს ნიშნავს.

ექო

ქველბერძნული მითოლოგიის თანახმად ექო მშვენიერი ღერია იყო. ყველაზე გავრცელებული მითის მიხედვით ექოს ნარცისი შეუყვარდა, მან კი მისი ეს სიყვარული არ გაიზიარა. ექომ ბევრი იდარდა მეტისმეტად გაილია და ბოლოს მისაგან მარტო ხმა დარჩა. სხვა პითების მიხედვით ჰერამ ზევსზე ექვიანობის გამო ეს მშვენიერი ღერია დაამუნჯა და ამის შემდეგ მას მხოლოდ გაგონილი სიტყვების ზოლო ბგერების გამეორება შეეძლო.

ვაზროვნებ, ესე იგი ვარსებობ

გამოთქმა დეკარტს ეკუთვნის (1596—1650). ამ გამოთქმას უფრო წშირად ლათინურად ამბობენ: „კოგიტო, ერგო სუმ“.

ვალაამის ვირი

„ბიბლიის“ ერთი მითის მიხედვით (რიცხვთა, 22) ვალაამს ლმერის საწინააღმდეგო რაღაც საქმე უნდა გაეკეთებინა. შეჯდა თავის ვირზე და წავიდა. ერთ ადგილას ვირს წინ ანგელოზი გადაუდგა. ცხოველი გზიდან გადავიდა, რისთვისაც ვალაამმა ვირს სცემა. ვირს სამგზის გადაუდგა ანგელოსი წინ და არა და არ გაუშვა, ვალაამი კი მეტი და მეტი განრისხებით სცემდა. გამწარებული ვირი ბოლოს დაწვა, მაგრამ ვალაამმა კიდევ უფრო გამეტებით სცემა. ღმერთს ნებთ ვირმა ენა ამოიდგა და პატრონს უსაყვედურა: რატომ მცემ, აქამდე ხომ ერთგულად გამსახურებოდიო. გაშმაგებულმა პატრონმა

მიუგო: გცემ კი არა, ხანჯალი რომ შეონდეს, აქვე მოკლავდიო. მაშინ ღმერთმა ვალაამსაც დაანახა ანგელოსი, რომელმაც ვალაამს უთხრა: ვირს რატომ სცემ, მე ვუდგებოდი წინ და არ ვუშვებდი; ამ გზაზე რომ გამოგველოთ, მას არ მოვკლავდი, შენ კი ვერ გადამიჩებოდიო.

აქედან გამომდინარე, „ვალაამის ვირი“ ჰქვია კეთილ და გონიერ მრჩეველს, მორჩილ და ერთგულ ხელქვეითს, რომელიც ყველანაირად ცდილობს, რომ მისმა უფროსმა რაიმე ცუდი არ გააკეთოს, მაგრამ პატრონი ამას ვერ ხედავს და მაინც უმადურია.

ვენერა

ვენერა სილაშაზისა და სიყვარულის მფარველი ღვთაებაა ძველ რომში. იგი ბერძნული აფროდიტეს რომაული ანალოგიაა. მის სახელს ვარსკვლავი ვენერა, ალბათ, იმიტომ ატარებს, რომ დედამიწიდან ხილულ ვარსკვლავთა შორის იგი ულამაზესია. გადატანითი მნიშვნელობით, პოეტურ მეტყველებაში. ახალგაზრდა, ლამაზ ქალს გამოხატავს.

ზევსი

ძველბერძნულ მითოლოგიასა და რელიგიაში ზევსი უზენაეს ღვთაებათა მესამე თაობაა ურანოსისა და კრონოსის შემდეგ. ღმერთთა და კაცთა მამად წოდებული ზევსი ყოვლისშემძლედაა მიჩნეული და ამიტომაც არის მშვიდი და აუღელვებელი. ყოვლისშემძლე და ზვიად მამაკაცს ზოგჯერ ჩვენც ზევსს ვუწოდებთ. სხვა მრავალთან ერთად ზევსი ქვეა-ქუხილისა და მეხაატეხის განმგებელიცაა. ახლა ეს სახელი შეიძლება მრისხანე, მაგრამ სამართლიან მბრძანებელს. ასევე საქმეში ზეალმატებულ პიროვნებას ვუწოდოთ.

ზეთისხილის შტო

„ბიბლიის“ მიხედვით მსოფლიო წარღვნის დროს ნოეს მიერ კიდობნიდან გაშვებულმა მტრედმა. იმის ნიშნად, რომ წყალმა დაიწია და ხმელეთი გამოჩნდა. შვიდი დღის შემდეგ მას ზეთისხილის შტო კ'უტანა. ეს კი იმას ნიშნავდა, რომ წარღვნა დამთავრდა და ქვეყანა დამშვიდდა. ამიტომაც, რომ ზეთისხილის შტო ახლა სიმშვიდისა და მშვიდობის სიმბოლოა. ბერძნულ-რომაულ მითოლოგიაში იგი მშვიდობის ქალღმერთის — ერენეს მარადიული ატრიბუტია.

ზოდიაკი

„ცხოველთა წრეს“ ნიშნავს ბერძნულად და ასე იმიტომ ეწოდებოდა რომ თორმეტ თანავარსკვლავედს, რომელთაც დედამიწიდან ხილულ ორბიტაზე მზე გაივლის წელიწადში, ბერძნული მითოლოგიიდან გამომდინარე. ცხოველთა სახელები ერქვა. მაგალითად: ვერძი, კურო, ღრიანკალი, ლომი, კიბო, თევზი და სხვა.

თავსლაფდასხმული

ასე იტყვიან ადამიანზე, რომელიც საწარცხენო საქმეს ჩაიდენს, რაიმეს დააშავებს. ახლა ამას აღარ აქვს იმდენად შემარცხვენელი მნიშვნელობა, რამდენიც ძველ საქართველოში ჰქონდა. ძველად იმას, ვინც იქურდებდა, იმრუშებდა, ან სხვა ისეთ დანაშაულს ჩაიდენდა, რისთვისაც სიკვდილს არ იმსახურებდა, მთელი სოფელი ან უბანი დაესგოდა და თავზე ლაფს ასხამდა. ეს თავისთავად დამამცირებელი აქტი იყო, მაგრამ ამის შემდეგ დამნაშავეს „თავსლაფდასხმული“ ეწოდებოდა და მას არც სტუმრად მიიღებდა ვინმე, არც მეზობლობას და ამხანაგობას გაუწევდა, ერთი სიტყვით, მასთან ურთიერთობას ყველა ერიდებოდა. თავსლაფდანასხამ პიროვნებას ბევრი ღრო და კეთილმოქმედება სჭირდებოდა იმისათვის, რომ ეს საწარცხენო წოდება მოეხსნა. მაგრამ არ იყო გამორიცხული, რომ გამოჯავრების მიზნით შემდეგაც „თავსლაფდასხმულს“ დაუძახებდნენ. აქედან მომდინარეობს დღენისათვის არც თუ ისე მკაცრად გაგებული წყევლა: „დაგესხა თავსლაფი“.

თეთრი ყვავი

გამოთქმა პირველად გამოიყენა რომაელმა პოეტმა — სატირიკოსმა იტყენალმა (I—II ს) თავის VII სატირაში. იხმარება იშვიათი, საზოგადოებრივი ყოფიერების საწინააღმდეგო ხასიათისა და შეხედულებების ადამიანის აღსანიშნავად.

თემიდა, თემიდას მსახური

სამართლიანობის ქალღმერთად ძველბერძნულ მითოლოგიაში დიკე ითვლებოდა, მაგრამ მის გვერდით მარად დიდი ავტორიტეტითა და პოპულარობით სარგებლობდა მართლმსაჯულებისა და წინასწარწესებების მფარველი ქალღმერთი თემიდა. მისი კულტი აღმოსავლური წარმომავლობისაა. იგი განსაკუთრებით მოუსყიდავი და რელიგიური მსჯავრდებლების მფარველად ითვლებოდა. ამიტომ, ჯადატანით მნიშვნელობით, თემიდა მართლმსაჯულებას ნიშნავს, ხოლო მოსამართლეებსა და საერთოდ იურისტებს „თემიდას მსახურებს“ ეძახიან. ხელოვნებაში თემიდა თვალახვეულ ქალად გამოიხატებოდა, რომელსაც ხელში სიუხვის რქა და სასწორი ეჭირა. თვალახვეულად იმიტომ გამოიხატებოდა, რომ ვერ დაენახა, ვის ასამართლებდა და ყველას მიმართ ერთნაირი ყოფილიყო, სიუხვის რქით კი იმიტომ, რომ მართლმსაჯულება ადამიანებისათვის ვარკვეულწილად სიმდიდრის გარანტიაა. სასწორით კი, როგორც ქართულად ვიტყვით, დამნაშავეთა ცოდვა-ბრალი იწონებოდა.

თიშსალ მაკო

„ბაში-აჩუკის“ ერთ-ერთი უარყოფითი მოქმედი პირი, მოლაღატე და ცბიერი დედაბერი, რომელმაც ოქროს ფასად გასცა ბაში-აჩუკის ადგილ-სამყოფელი. „თიშსალ მაკოს“ ახლა ხალხი ასეთივე თვისებების მქონე ქალებს ზიზღით ეძახის.

იკაროსი

ღვგენდარული ბერძენი გამომგონებლისა და ხელოანის — დედალოსის ვაჟი იკაროსი სანთლით მიწებებულ ფრთებით მანასთან ერთად ცაში აფრინდა, მზის სითბომ სანთელი დააღწო, ფრთები დაცვივდა, ყმაწვილი ზღვაში ჩაფარდა და დაიხრჩო. მისი სახელის მიხედვით ეწოდება ციურ სხეულს „იკაროსი“. მის გალათინურებულ სახელთანაა დაკავშირებული ავტოქარხნის „იკარუსი“ და ამ მარკის ავტობუსების სახელწოდება.

ილიადა

„ილიადა“ ჰომეროსის დიდებული ნაწარმოებია, რომელშიც ტროის ომის ვრცელი ამბებია აღწერილი. ნაწარმოები ხელოვნების მიწოდომელ შედევრადაა აღიარებული. ამიტომაც ახლა დიდ, ვრცელსა და სანტერესო ამბავს, ვრცელ თავგადასავალს „ილიადას“ ვუწოდებთ.

იობის მოთმინება

„იობის“ მიხედვით არაბეთში, ესის მხარეში ცხოვრობდა ერთი წინადა ვაჟი — იობი. იგი ღმერთისადმი ერთგულებითა და ყოველგვარი კეთილმოქმედებით გამოირჩეოდა. იყო მდიდარი და ბედნიერი, ჰყავდა შვიდი ვაჟი, სამი ასული, ურიცხვი მსახური და აუარებელი პირუტყვი. ჰქონდა დიდძალი ქონება. მთელ წარს ღმერთის მსახურებასა და ლოცვა-ვედრებაში ატარებდა. ღმერთიც ისმუნდა მის ღალადის და სჯეროდა, რომ იობს მარად ეყვარებოდა. ეშმაკს შეშურდა და მისი მცდელობით ღმერთმა უკიდურესად გააწარა იობი იმ მიზნით, რომ ეშმაკისათვის მისი სიწმინდე და ღმერთისადმი ერთგულება დაემტკიცებინა. სულ მოკლე ხანში იობს ხელიდან გაშოცალა ყოველგვარი სიმდიდრე. მერე ქარიშხალმა სასაბლე დაუქცია და ათივე შვილი ერთდროულად დაუხოცა. გამწარებულმა მოხუცმა საშოსი შემოიხია, თმა გადაიპარსა და თავისი გაჩენის დღეს წყველიდა. მაგრამ ღმერთისადმი საყვედური მაინც არ შეუკადრებია, პირიქით, შემწეობას სთხოვდა.

ღმერთმა იფქრა, ვაჟივე ეშმაკსო, მაგრამ ეშმაკმა უთხრა: ეგ არაფერია, თავის თავზე განვაცდევინოთ მძიმე ტკივილები და ვნახოთ. თუ არ ვაგინებსო. იობს კეთრი შეეყარა და მთელი სხეული

საშინლად დაუწყულულდა. იგი საშინელი ხორციელი ტკივილით იტანჯებოდა, ბედშავ მოხუცს მწუხარებით გული გაელა, მაგრამ ღმერთის აუგად მოხსენიება აზრადაც არ მოსდიოდა. მერე მისი მეგობრები მივიდნენ, ასეთი საშინელებების გამო მიუსამძიმრეს, მაგრამ გული საშინლად ატკინეს — უმტკიცებდნენ, ალბათ, ცოდვილი ზარ, თორემ ღმერთი ასე არ დაგსჯიდაო. ბოლოს, სიკვდილის პირას მისულ დავრდომილს სულის სიღრმემდე შეძრწუნებული ცოლიც მიეჭრა და ტარტაროზის მრისხანებით უბრძანა: დაგმე ღმერთი, რომ ამ სატანჯველს შენც განერიდო და მეც მომასვენოო, მაგრამ ვერაფერმა ძალამ ვერა და ვერ დააგმობინა იობს ღმერთი. არაადამიანური სიმტკიცით ითმენდა იგი ყოველივეს. ღმერთმა რომ ეს დაინახა და ამით ეშმაკს მოუგო, იობს ახალი სიცოცხლე არგუნა: შვილები აღუდგონა და მთელ ქვეყანაზე უბედნიერეს ადამიანად აქცია. აი, აი ბიბლიური მითიდან მომდინარეობს გამოთქმა „იობის მოთმინება“ ან „იობის ტანჯვა“.

იოტისოდენა

„იოტა“ ბერძნული ანბანის ყველაზე პატარა ნიშანია. ფიქრობენ, რომ ამის გამო უნდა იყოს ეს სიტყვა ძალიან პატარას სინონიმი.

იუდა

ქრისტეს ერთ-ერთმა მოწაფემ — იუდამ გასცა ქრისტე, ჯალათებს ჩაუვდო ხელში და ამის მერე მაცხოვარი ჯვარს აცვეს. ამ დროიდან მოყოლებული იუდა საზოგადო სახელად იქცა და ბოროტ, მახეზლარა. გამცემ ადამიანს ნიშნავს.

იუდას ამბორი

როდესაც ჯალათებს უნდოდათ, სხვებისაგან გამოერჩიათ ქრისტე, იუდას მოელაპარაკნენ, რომ იგი შეხვედრისას მივიდოდა და ეამბორებოდა მხოლოდ ქრისტეს. იუდა თითქოს დიდი მოწიწებითა და სიყვარულით ეამბორა მაცხოვარს, სინამდვილეში კი გასცა იგი. ამიტომაც „იუდას ამბორმა“ განზოგადებული სახე მიიღო და ცბიერი, გამცემი ადამიანის მოჩვენებით აღერსს ნიშნავს.

იუპიტერი

იუპიტერი ზევსთან გაიგივებული ცის რომაული უმაღლესი ღვთაებია. მასთანაა დაკავშირებული პლანეტა იუპიტერის სახელწოდება. იუპიტერს ვუწოდებთ აგრეთვე დიდ, სახელოვან და მკაცრ ხელმძღვანელს.

კაენი

„ბიბლიის“ მიხედვით ადამისა და ევას ვაჟმა—კაენმა მოკლა თავისი ღვიძლი ძმა — აბელი და ამით პირველი მკვლელობა ჩაიდინა

დედამიწაზე. ამიტომაც ახლა კაენს მკვლელს, სისხლისმოყვარე ადამიანს ვუწოდებთ. ზოგჯერ სიკვდილის სინონიმიცაა იგი.

კართაგენი უნდა დაემხო

ძველი ქალაქი — კართაგენი მართლაც დაამხვეს რომაელებმა. განოთქმა დიდ მხედართმთავარსა და სახელმწიფო მოღვაწეს — კატონ უფროსს ეკუთვნის, იგი თავის ყოველ გამოსვლას სენატში ამ წინადადებით ამთავრებდა.

თანამედროვე გაგებით ეს გამოთქმა ნიშნავს: საქმე უცილობლად უნდა გაკეთდეს, მოსახდენი უნდა მოხდეს, დამნაშავე უნდა დაისაჯოს.

კასანდრას წინასწარმეტყველება

კასანდრა ტროას მეფის — პრიამოსის ქალიშვილი იყო. იგი აპოლონ ღმერთს შეუყვარდა და წინასწარმეტყველების ნიჭი მიმალდა იმ პირობით, რომ დანებდებოდა. კასანდრამ აპოლონის სურვილი უარყო და გაჯავრებულმა ღმერთმა საქმე ისე მოაწყო, რომ ქალის წინასწარმეტყველებას აღარავინ იჯერებდა. მაგალითად. კასანდრამ სრულიად დამაჯერებლად იწინასწარმეტყველა, რომ ტროა დაცემოდა. მაგრამ არავინ დაუჯერა.

როდესაც აგამემნონმა კასანდრა მიეცნა მიიყვანა, მისანი ქალი კარს მიმდგარ უბედურებას გრძნობდა და ხედავდა. იცოდა, რომ აგამემნონიც და თვითონაც დაიღუპებოდნენ, მაგრამ თავის დახსნას არ შეეძლო. როგორც ცნობილია, კასანდრაც და აგამემნონიც ამ უკანასკნელის მეუღლე კლიტემნესტრამ მართლაც მალე მოკლა.

ამ მითიდან გამომდინარე, კასანდრას უწოდებენ ისეთ ადამიანს, რომელიც წინასწარ გრძნობს მოახლოებულ დიდ უბედურებას, მაგრამ განრიდება არ შეუძლია. „კასანდრას წინასწარმეტყველება“ კი ისეთ რჩევას ეწოდება, როდესაც მრჩეველს ღრმად სწამს, რასაც ამბობს. მაგრამ მსმენელი მაინც ჯიუტად არ უჯერებს.

კასტორი და პოლიქსე

ბერძნული მითოლოგიის თანახმად, ესენი ნახევარძმები იყვნენ. მათი საერთო დედა იყო ლედა, კასტორის მამა — სპარტელი მეფისწული ტინდარეოსი, პოლიქსესი კი — ზევსი. როგორც ღმერთის შვილი. პოლიქსე უკვდავი იყო. კასტორი კი — მოკვდავი. როცა კასტორი გარდაიცვალა, პოლიქსე შეევედრა მამას, მომკალიო, რომ ძმასა და მეგობარს არ დაშორებოდა. ზევსმა ორი პირობა შესთავაზა: ან მარტოს სამარადისოდ ღმერთებთან ოლიმპზე ეცხოვრა, ან ძმასთან ერთად ერთი დღე ოლიმპზე ყოფილიყო, მეორე კი — კადესში. პოლიქსემ ეს უკანასკნელი არჩია... ამიტომაც ახლა კასტო-

რსა და პოლიქსეს უწოდებენ ერთიმეორისათვის თავდადებულ ძეგებს, წეგობრებს.

კატა ვერ შეწვდა ძეხვისაო, პარასკევია დღესაო

გამოთქმა გამოიყენება მაშინ, როცა ვინმე მიზანს ვერ მიაღწევს და სხვის გასაგონად ამბობს, შემძლო ამ საქმის გაკეთება, მაგრამ რაღაც საპატიო მიზეზით გადავიფიქრეო. გამოთქმა, ცხადია, დაცინვას რადგან კატა არ დაგიდევს მარხვას (პარასკევი ხომ სამარხულო დღეა), თუკი სადმე ძეხვი იშოვა.

კერბერი

ავ, მრისხანე დარაჯს, მოუსყიდველ მცველს ხშირად უწოდებენ ხოლმე კერბერს, ან ცერბერს. ეს გამოთქმა დაკავშირებულია ძველბერძნულ მითოლოგიაში საყოველთაოდ ცნობილ ურჩხულთან, რომელიც ჯოჯოხეთის ანუ ჰადესის კარს დარაჯობდა. იგი იყო საშინელი ქოფაკი, მას ჰქონდა სამი საზიზღარი თავი, მის კისრებზე საშინელი გველები იკლავებოდნენ და კუდადაც მრისხანე გველი ჰქონდა. კერბერი ჰადესში (ზოგჯერ ჰადესი გაიგივებულია საერთოდ სულების ქვეყანასთან) ყველას უშვებდა, იქიდან კი — არავის. ერთადერთი. ვინც მობრუნდა, ორფეუსი იყო, რომელმაც საუცხოო ნელოდიით კერბერის მრისხანე გულიც კი მოაღბო. ცერბერი კერბერის ლათინური სახელია.

კვაპი კვაპანტირაძე

ასე მოვიხსენიებთ გაქნილ საქმოსანს, ცუდლუტს, რომელიც ყველაფერს კადრულობს და ყოველგვარ საქმეს თავის სასარგებლოდ „აკვარაზჭინებს“. გამოთქმა მიხეილ ჯავახიშვილის ამავე სათაურის მქონე ნაწარმოებიდან მოდის.

კოლოსალური

კოლოსს უწოდებენ უზარმაზარ, ყოველგვარ ზომაზე მეტ ვინმეს ან რაიმეს ქანდაკებას. ასეთი იყო, მაგალითად, როდოსის ნავსადგურის შესასვლელში დადგმული 70 მეტრის სიმაღლის მზის ღმერთის — ჰელიოსის ქანდაკება, რომელიც ჩვენს ერამდე 224 წელს დაინგრა მიწისძვრის შედეგად. მას კოლოსსაც ეძახდნენ. აქედანაა სიტყვა „კოლოსალური“.

კოლოსი თიხის ფეხებზე

გამოთქმა „ბიბლიიდან“ მომდინარეობს. ბაბილონის მეფემ ნაბუქოდონოსორმა სიზმარში ნახა მეტალის უზარმაზარი კერპი, რომელიც თიხის ფეხებზე იდგა. ბორცვიდან დაგორებული ქვა თიხის ფეხებს მოხვდა და კერპი დაიშხვრა. გამოთქმა იხმარება შესახედავად ძლიერი, გრანდიოზული, სინამდვილეში კი სუსტისა და უნიათოს გამოსახატავად.

ლაბირინთი

ძველი მწერლები და ისტორიკოსები ოთხ ლაბირინთს იცნობენ. მაგრამ მათ შორის ყველაზე უფრო ცნობილია კრეტის ლაბირინთი. რომელიც, მითების თანახმად, დედალოსმა მიწისქვეშ კრეტის მეფე მინოსის ბრძანებით გამოკვეთა ეგრეთწოდებული მინოტავრისათვის. ესაა რამდენიმე ათასი ოთახისაგან შემდგარი მიწისქვეშა ნაგებობა. ოთახები ერთიმეორეს ძნელადგასაგნები ზვრელებითა და კარებით უკავშირდებიან (იხ. არიადნეს ძაფი). თანამედროვე გაგებით „ლაბირინთი“ ნიშნავს არა მარტო ასეთ ნაგებობას, არამედ არეულ, გამოუვალ მდგომარეობას, რთულ სიტუაციას, საიდანაც ძნელი, ზოგჯერ შეუძლებელიცაა თავის დაღწევა. აქედანაა წარმოქმნილი, როგორც ჩანს, ანატომიური ტერმინი (ყურის) ლაბირინთი.

ლაზარეს აღდგინება

„სახარებრს“ მიხედვით, ქრისტემ ოთხი დღია გარდაცვლილი ლაზარე გააცოცხლა (იოანე, II, 38—44). აქედან გამომდინარე, „ლაზარეს აღდგინებას“ მძიმე ავადმყოფობისაგან განკურნებას, კლინიკური სიკვდილიდან დაბრუნებას, საერთოდ, დასაღუბავად განწირულის გადარჩენას ვუწოდებთ.

ლაკონიური

სპარტელებით დასახლებულ პელეპონესის სამხრეთ-აღმოსავლეთ ნაწილს ლაკონია ეწოდებოდა. აქაური მცხოვრებლები მოკლედ და გასაგებად ლაპარაკობდნენ. სიტყვა „ლაკონიური“ პირველად პლატონს გამოუყენებია „პროტაგორაში“. ამ სიტყვას დიალოგში ხმაობს სოკრატე და, გამორიცხული არ არის, რომ ამ ეპოქაში იგი უკვე კარგად გავრცელებული იყო. თანამედროვე გაგებითაც, როგორც ვიცით, „ლაკონიური“ მოკლე და ღრმააზროვან ნათქვამს, ისეთ მოკლედ გამოთქმულ სიტყვას ან წინადადებას ნიშნავს, რომელიც დიდი აზრით არის სავსე.

ლამაზისეული

ი. ჰევევადის სატირული მოთხრობის „კაცია ადამიანი?!“ ერთ-ერთი მოქმედი პირი — ლამაზისეული არის ცხოველის ღონეზე დასული მსახური ქალის ტაპი როგორც გონებრივი, ისე ფიზიკური თვალსაზრისით. ეს სახელი მისთვის დაცინვით შეურქმევია კნენა დარეჩანს. მას პირადი ჰიგიენაც კი დავიწყნია, საკუთარ ინტერესებში და აზრებს რომ თავი დავანებოთ. ამის მიხედვით ახლაც „ლამაზისეულს“ ულამაზო, ბინძურ, თავმოყვარეობადაკარგულ ქალს ვეძახით.

ღედას კვერცხიდან

ზერძული მითოლოგიის მიხედვით, ეტოლიის მეფის ქალიშვილი —

ლდა ზევსმა შეიყვარა. ზევსი ქალს არ ეშვებოდა და ლედა იძულებული გახდა, გედად გარდასახულიყო. მაშინ ზევსიც გედად გარდაისახა და მაინც შეისრულა წადილი. გედადქცეულმა ლედამ ამ კავშირის შედეგად კვერცხი დადო და, ამ კვერცხიდან მშვენიერი ელენე გამოიჩნეა. ეს ის ელენეა, რომელიც შემდეგ ტროელმა მეფისწულმა — პარისმა მოიტაცა და ამას კი ტროის ომი მოჰყვა. გამოთქმა მიეკუთვნება პორაციუსს (65—8 წ.წ.), რომელიც ნაზრომში „პოეტური ხელოვნებისათვის“ აქებს კომეროსს, რადგან მან ბერძნების ტროელების წინააღმდეგ ლაშქრობის ამბავი „ლედას კვერცხიდან“ კი არ დაიწყო, არამედ მკითხველი მოვლენათა შუაგულში პირდაპირ შეიყვანა. ახლა „ლედას კვერცხიდან დაწყება“ ხიზნავს რაიმეს გაჭიანურებულად, შორეული მიზეზებიდან დაწყებას.

ლეთა

ქველბერძნული მითოლოგიის მიხედვით, როცა ადამიანი კვდება, საიქიოში მიმავალი მისი სული გადაივლის მდინარე ლეთას, მის წყალს დაღვეს და ამის მერე ყველაფერი ამქვეყნიური ავიწყდება. გამოთქმა: „ლეთას წყალი დალია“ ხიზნავს, „გარდაიცვალა“, სამუდამო დავიწყებას მიეცა, ანდა, დაავიწყდა ყოველივე ამქვეყნიური. ამ გამოთქმას ჰგავს ქართული გამოთქმა „ჩაილურის წყალი დალია“

ლოტოფაგი, ლოტოსის ჭამა

კომეროსის „ოდისეაში“ მოხსენიებულია ხალხი, რომლებიც მცენარე ლოტოსს ჭამენ, ამის გამო ყოველგვარი წარსული ავიწყდებათ და თავს მხიარულად გრძნობენ. მათ ლოტოფაგები — ლოტოსისმჭამელები ჰქვიათ. გადატანითი მნიშვნელობით „ლოტოფაგს“ ეუწოდებთ ადამიანს. რომელიც წარსულს ანგარიშს არ უწევს. „ლოტოსის ჭამას“ — კი — წარსულის დავიწყებას.

ლუარსაბ თათქარიძე

უქნარა, ზარმაც, მხოლოდ ჭამა-სმისათვის გაჩენილ, მსუქან და გონებაჩლუნგ მამაკაცს დაცინვით და ზიზღით ლუარსაბ თათქარიძეს ვეძახით ილია ჭავჭავაძის მოთხრობის („კაცია ადამიანის?!“) მიხედვით.

მალა ჭამაში მოდის

ასე ვამბობთ მაშინ, როცა რაიმე წარმატებას მივალწვეთ, ან რაიმეს შოვიპოვნებთ და კვლავ ვაგრძელებთ მცდელობას მეტის შესაძენად. გამოთქმა მომდინარეობს ფრანსუა რაბლეს (1494—1553) ცნობილი რომანიდან „გარგანტუა და პანტაგრუელი“. როგორც რომანიდან ვიცით, გარგანტუა განუზომელი რაოდენობით ჭამდა და პირდაპირი

გაგებით ამბობდა, „მადა ჭამამი მოდისო“. მას პირში საკმელს ნიშნებით აყრიდნენ და ღვინოს ჩაფებებთ ასხამდნენ.

მათესელა

„ბიბლიის“ მიხედვით (დაბ. 5, 27) ერთ-ერთმა მამამთავარმა — მათესელამ 969 წელს იცოცხლა. გადატანილი მნიშვნელობით ნიშნავს ადამიანს, რომლის ასაკი თანამედროვეთაგან აღიარებულ სიცოცხლის ხანგრძლივობას გადააჭარბებს.

მამა აბრამის ბატკანი

აბრამი ბიბლიური პირია. მას ჰყავდა უსაყვარლესი შვილი — ისააკი. ერთხელ ღმერთმა მოისურვა, გამოეცადა აბრამის ერთგულება და უბრძანა, ისააკი მისთვის შეეწირა და სამსხვერპლო კოცონზე დაეწვა. აბრამმა რომ ისააკი სამსხვერპლოზე აიყვანა დასაკლავად, ღმერთის ბრძანებით ანგელოსმა მახვილშემართული ხელი გაუჩიწრა და ისააკის მაგიერ უცოდველი, უმანკო ბატკანი მიჰგვარა. ისააკის მაგიერ ეს ბატკანი დაკლა და შესწირა ღმერთს. ამიტომაც „მამა აბრამის ბატკანი“ უწოდებენ ხოლმე უმწიკვლო ადამიანს, რომელსაც არავის წინაშე არასდროს არაფერი დაუშვებია. მაგრამ რაღაცნაირ სასჯელს მაინც ღებულობს. გამოთქმას ხშირად ციციური, სპირისპირო მნიშვნელობით ვიყენებთ იმ ადამიანების მიმართ, რომლებიც ცოდვილნი არიან, მაგრამ საზოგადოებას ან ცალკეულ ინდივიდს თავს ყოველად უცოდველად აჩვენებენ.

მანანა

ბიბლიური მითის მიხედვით (გამოსვლათა 17. 14—16), როცა ლტოლვილი ებრაელები ეგვიპტის უდაბნოებში მიდიოდნენ, ღმერთი მათ ციურ საკვებს — მანანას უგზავნიდა. ახლა გამოთქმას აქვს უშრომელი საკვების, შემოსავლის მნიშვნელობა.

მარილზე წავიდა

გამოთქმა წმინდა ქართულია და საქართველოს მძიმე წარსულთანაა დაკავშირებული. ძველ საქართველოში მარილი, ადამიანის არსებობის ეს ერთ-ერთი მთავარი საშუალებაა, აღზევანიდან შემოპქონდათ, მაგრამ აღზევანს გამგზავრება დიდ სიძნელებთან იყო დაკავშირებული. რადგან ხშირად მგზავრებს ყაჩაღები ესხმოდნენ თავს და ძარცვავდნენ ან ხოცავდნენ. ამიტომაც მარილზე წასული კაცი ძნელად და იშვიათად თუ ბრუნდებოდა უკან ცოცხალი. მარილზე წასულთა სიკვდილიანობა ისეთი ხშირი გახდა, რომ წარმოიშვა გამოთქმა „მარილზე წავიდა“, რაც ნიშნავს „მოკვდა“, „გარდაიცვალა“.

საქართველოში მარილის სიმცირემ და სიძვირემ წარმოშვა კი-
3. ნ. გაღრანდუშვილი

დევ ერთი გამოთქმა — „ამან გააძვირა მარილი“. ამ სიტყვებით ბავშვები ერთ რომელიმე თითქოს ან სინამდვილეში დამნაშავე ბავშვს მიესხვიან და ცუბას და წვალებას დაუწყებენ. „დამნაშავედ“, „მარილის გამმფირებლად“ შეიძლება უსულო საგანიც ჩაითვალოს და მაშინ მას სცემენ წიხლებს, აქეთ-იქით ცემა-გვემით ატარებენ და გაიძახიან: „დაჰკაროთ, დაჰკაროთ, ამან გააძვირა მარილი!“

მარსი, მარსის ველი, მარსის შვილი

რომაული მითოლოგიის მიხედვით მარსი ომის ღმერთია. ახლა მარსი ან მარსის შვილი ნებრძოლის მნიშვნელობით, სასტიკი კაცის გაგებით გამოიყენება, მარსის ველს კი ბრძოლის ველს უწოდებენ. მარსის ველი ანუ მოედანი იყო ძველ რომში, შემდეგ პარიზსა და პეტერბურგშიც. სადაც სამხედრო ზეიმები და მსვლელობა-ვარჯიშები იმართებოდა.

პლანეტას მარსი იმიტომ შეერქვა, რომ დედამიწიდან იგი სისხლისფერი ჩანს.

მაცდური გველი

განთქმა „ბიბლიიდან“ მომდინარეობს, გველმა ხომ ევა და ადამი აცდუნა და აკრძალული ხილი აგემებინა, რის გამოც ღმერთმა იქინი სამოთხიდან გამოაძევა. გამოთქმა ბოროტი, მაცდური ალამიანს აღსანიშნავად გამოიყენება.

მენელაოსი

ბერძნული მითოლოგიისა და ჰომეროსის „ილიადას“ მიხედვით მენელაოსი სპარტის მეფე და მშვენიერი ელენეს ქმარია. როცა იგი სწავან იყო წასული, მისი ცოლი — ელენე სპარტის მეფისწულს — პარისს გაჰყვა ცოლად.

გადატანილი მნიშვნელობით მენელაოსი ნიშნავს მოტყუებულ, სხვაზე გაცვლილ ქმარს.

მენტორი

ჰომეროსის „ოდისეას“ მიხედვით (ამასვე გადმოგვცემენ გვიანდელი მითები) მენტორი იყო ოდისეისის ვაჟის — ტელემაქეს მეურვე და დამრიგებელი, ბრძენი და გამოცდილი პიროვნება, სიბრძნით დადინჯებულ მოზუცი. მენტორად გარდასახული ათენა ქალღმერთი დაჰყვებოდა ტელემაქეს, როცა იგი მამის საქმებზე მოგზაურობდა. აქედან განომდინარე, ლიტერატურასა და ყოველდღიურ სამეტყველო ენაში „მენტორი“ დარჩა ჰკვიანი, ცხოვრებისაგან გამობრძმედილი დამრიგებლის სიმბოლოდ. რა თქმა უნდა, აქედან მომდინარეობს აგრეთვე ესოდენ გავრცელებული გამოთქმა „მენტორული ტონი“.

მეორე მე (ალტერ ეგო)

გამოთქმა, როგორც დიოგენე ლაერტელი გადმოგვცემს, ბერძენ ფილოსოფოსს — ძენონს უნდა ეკუთვნოდეს (346—264), თუმცა ალექსანდრიელი მეცნიერი პორფირიოსი ამ გამოთქმას პითაგორას მიიწერს. გამოიყენება საუკეთესო მეგობრის, ან ძალიან მსგავსის მნიშვნელობით. ლიტერატურაში ეს გამოთქმა უფრო ხშირად ლათინურად იხმარება.

მერკური

რომაული მითოლოგიის მიხედვით მერკური იყო მწვერმეტყველების ღვთაება, ვაჭრობისა და ვაჭრების მფარველი (ვაჭრებს ხომ სხვა ნონაცემებთან ერთად მწვერმეტყველებაც სჭირდებათ), ღმერთთა მაცნე. მერკურის გამოსახულებებს ვხვდებით სავაჭრო გემებსა და აალატებში, ბანკებში. თანამედროვე გაგებით მერკური ყველაზე ხშირად მაცნეს გამოხატავს.

მეშიდე ცა

არისტოტელეს მიხედვით ცა შედგება შვიდი უძრავი კრისტალური სფეროსაგან, რომლებზეც მიმაგრებულია ვარსკვლავები და პლანეტები. მეშიდე ცაზე უდიდესი განცხრომა და ღვთაებრივი ნეტარებაა.

„მეშიდე ცაზე ასვლა“ განუზომელ სიხარულს, უდიდეს ბედნიერებას ნიშნავს. ეს გამოთქმა, ცხადია, დაკავშირებულია აგრეთვე ევლ დროში ცნობილ შვიდ პლანეტასთან. არსებობს აგრეთვე გამოთქმა „მეცხრე ცა“. რაც იმისი მაუწყებელია, რომ ტერმინის შექმნის დროს უკვე იცნობდნენ მზის ოჯახის ცხრავე პლანეტას.

მეშჩანი

იტყვა პოლონური წარმომავლობისაა და ქართულად „ქალაქელს“ ნიშნავს. მეშჩანები თავიდან პოლონეთისა და ლიტვის დიდი ქალაქების მცხოვრებლებს ეწოდებოდათ, ხოლო 1775 წლის შემდეგ მეშჩანებს უწოდებდნენ საერთოდ ხელოსნებს, წვრილ ვაჭრებს, ბინათმფლობელებს და სხვა ამგვარ ადამიანებს, რომლებიც მხოლოდ პირადი კეთილდღეობისა და გამდიდრების სურვილით იყვნენ შეპყრობილნი. გამოთქმა თანამედროვე გაგებით სწორედ ამ უკანასკნელთაგან მომდინარეობს. მეშჩანებს ახლა ვუწოდებთ ადამიანებს, რომლებიც გამდიდრების მანიით არიან შეპყრობილნი. არა აქვთ მაღალი იდეალები და თვით გემოვნებაც კი.

მეცენატო

ძველი წელთაღრიცხვის პირველი საუკუნის მეორე ნახევარში რომში ცხოვრობდა სახელგანთქმული და კეთილი, ამავე დროს მდი-

დარი კაცი გარეს ცლინითს მეცნატი, რომელიც დიდ მფრველობას და თანადგომას უწევდა მხატვრებს, პოეტებს, მეცნიერებს... ახლა მეცნატი ვუწოდებთ ადამიანს, რომელიც საერთო-სახალხო რაიმე კეთილ საქმეს მფარველობს და ეხმარება.

მთავარანგელოსის საყვირი

„ბიბლიის“ მიხედვით (აპოკალიფსი, 8, 2—12), დადგება დრო, როცა განისჯება ყველა ცოცხალი და გარდაცვლილი, იქნება საყოველთაო განსჯა და ცოდვილთა დასჯა. მთელი ძალით ჩაბერავს მანინ მთავარანგელოზი საყვირში საყოველთაო სამსჯავროს დასაწყისის მაუწყებლად.

გადატანითი მნიშვნელობით „მთავარანგელოსის საყვირი“ განსჯის, დამნაშავეთა გამოამჟღავნებისა და დასჯის დასაწყისს ნიშნავს.

მიახუთშაბათა

როგორც ვიცით, რყო დრო, როდესაც, რელიგიური რწმენის საფუძველზე. პარასკევი უქმე დღედ ითვლებოდა და ამის გამო ხუთშაბათ საღამოსაც აღარ შეიძლებოდა მუშაობა. ამიტომ კაც, რომელიც ხუთშაბათს რაიმე საქმეს ადგა, მას აჩქარებულად, უხარისხოდ აკეთებდა, როგორმე რომ მოესწრო. იგივე წარმოშობისაა გამოთქმა „მიახუთშაბათა“, რადგან კვირა და კვირაძალი (შაბათ საღამო) უქმედ ითვლებოდა და შაბათს მიმდინარე საქმეც აჩქარებულად. უხარისხოდ კეთდებოდა, რომ მშრომელისათვის კვირაძალს არ მოესწრო და სამუშაო დაუმთავრებელი არ დარჩენოდა. ამიტომაც. რ ამ ახლა „მიხუთშაბათებს“ ან „მიშაბათებს“ საქმის აჩქარებულად, უხარისხოდ. უგულოდ გაკეთებას ვუწოდებთ.

მიზეზ-მიზეზ რაშიაო, დოს მარილი აკლიაო

ვამოთქმას ვიყენებთ მაშინ, როცა ვინმე უმიზეზოდ ჭირვეულობს. საქმე ისაა, რომ დოს საერთოდ არ სჭირდება მარილი.

მოასორომგორომა

„ბიბლია“ გვამბობს. რომ არსებობდა ქალაქები: სოდომი და გომორი. ამ ქალაქებში მეტად თავხედი და მკრეხელი ხალხი ცხოვრობდა. რის გამოც ღმერთმა იაქვემ გადაწყვიტა, მოესპო ეს ქალაქები თავიანთი მცხოვრებლებითურთ. მართლაც, ერთხელ „ღმერთმა აწვიმა სოდომსა და გომორს წუმწუშა და ცეცხლი“ და ორივე ქალაქი მიწასთან გაასწორა. სწორედ ეს მითი უძველეს საფუძველად ვამოთქმას „მოასოდომგომორა“, რაც ხალხურმა მეტყველებამ, ქართული ენის ფონეტიკის საფუძველზე, „მოსორომგორომებად“ შესცვალა. ი. ი. მოასოდომგომორა ან მოასორომგორომა ნიშნავს „მოსპო“, „გააქრო“.

მონანიე მაგდალინა

„სახარების“ მიხედვით იესო ქრისტემ ვინმე მაგდალინელი მარია-მი განკურნა, შვიდი ეშმაკი განაგდო მისგან და გზასაცდენილი ქალი გამოასწორა. შემდეგ მარია მაგდალიხელი მისი მოძღვრებოს ერთ-ერთი ყველაზე ერთგული ქალი გახდა. გადატანილი მნიშვნელობით მონანიე მაგდალანას ეძახიან ქალებს, რომლებმაც ახალგაზრდობა მსუბუქი ყოფაქცევით გაატარეს, შემდეგ კი ნორმალურ ცხოვრებას დაუბრუნდნენ და წესიერი შრომა დაიწყეს. სხვადასხვა ქვეყანაში ასეთ ქალთა თავშესაფარებიცაა და მათ მაგდალინათა თავშესაფარს ეძახიან.

მორფეოსი

ბერძნული მითოლოგიის მიხედვით მორფეოსი ძილის ღმერთის — ჰიპნოსის ვაჟია, სიზმრის განსახიერება და მფარველია. იგი ფრთოსანი ღვთაებაა და სიზმრის სიმბოლოდაა მიჩნეული.

მსოფლიოს შვიდი სპოცრება

ეგვიპტის პირამიდები, სემიტამიდას ბაღები ბაბილონში, არტემიდეს ტაძარი ეფესოში, ფიდიასის შესრულებული ზევსის ქანდაკება, მავზოლის აკლდამა, რომელსაც შემდეგ „მავზოლეუმი“ ეწოდა, როდოსის კოლოსი ანუ ჰელიოსის 70 მეტრიანი სპილენძის ქანდაკება 180 მეტრი სიმაღლის მარმარილოს კოშკი — შუქურა კუნძულ როდოსზე მსოფლიოს შვიდ საოცრებადაა მიჩნეული. გადატანითი მნიშვნელობით ხელოვნების რაიმე დიდებულ ნიმუშს მსოფლიოს მერვე საოცრებას უწოდებენ.

მურმანის ეკალივით

ცნობილი ქართული ზღაპრის „ეთერის“ მიხედვით, ეთერზე შეყვარებული მეფე აბესალომი გარდაიცვალა იმის გამო, რომ მისივე მიზეზით მისი ახლადშერთული მეუღლე, უმშვენიერესი ეთერცბიერებით ხელთ იგდო მრ.წა ვეზირმა—მურმანმა. აბესალომის სიკვდილით გამწარებულმა ეთერმაც თავი მოიკლა. ისინი ერთად, გვერგვერდ დამარხეს. ეს რომ შორი ქვეყნიდან დაბრუნებულმა მურმანმა გაიგო, მათ საფლავებს შორის თავისი საფლავი ამოჭრა, შიგ ჩაწვა და თავი მოიკლა.

ლეგენდის თანახმად, აბესალომისა და ეთერის საფლავებზე ამოდის ვარდი და ია, მურმანისაზე კი — ეკალი. გადაიხრებიან ხოლნე ვარდი და ია ერთიმეორისათვის ჩასაკონებლად, მაგრამ ხელს უშლით მურმანის საფლავზე ამოსული ეკალი.

გამოთქმას ვიყენებთ მაშინ, როცა ვინმე მესამე დგას შეყვარებულ ქალ-ვაჟს შორის და მათ ურთიერთსიყვარულის საშუალებას არ აძლევს.

ნაპოვნნი დანასავით შერჩა

დანას ოდითგანვე უდიდესი მნიშვნელობა ჰქონდა ადამიანთა მოღვაწისათვის და დღესაც არ დაუკარგავს იგი. ამან საქართველოში დანის ერთგვარი კულტი შექმნა. კერძოდ, თუ ვინმე ვინმეს დანას ან სხვა რაიმე ბასრ იარაღს აჩუქებდა, ეს გარკვეულ წესის დაცვას მოითხოვდა. ყოველ შემთხვევაში, მიუღებელი იყო ნაჩუქარი იარაღის უკანვე დაბრუნება, რაც შემდეგ ნათხოვარსა და ნაპოვნზეც ვაერცელდა. დღესაც, თუ ვინმე ვინმეს ხელში მისცემს გაშლილ დასაკეც დანას, იგი პატრონს აღარ უნდა დაუბრუნდეს.

დანა ხომ კრილობის, ჭივილის, სიმწარის მიმყენებელია და მისი უკან დაბრუნებაც ავის მომასწავებელია. ალბათ ეს აქვს მხედველობაში ქართული ლექსის მიმღერის ავტორს: „გოგოვ, გოგოვ შევ-ო ვალა. ბიჭმა შემოგითვალა, ან მომეც ჩემი დანა, ან გამომყევი თანა“ ესე იგი, ვაჟი უთვლის ქალს: ან დამიბრუნე ჩემი დანა და ამით უდიდესი ტკივილი მომყენე, ანდა, ცოლად გამომყევი და შენც ჩემი გახდები და დანაცო. რა თქმა უნდა, დანას ამ შემთხვევაში მეტაფორული მნიშვნელობა აქვს.

ამ ჩვეულების თანახმად, მიუღებელი იყო ნაპოვნნი დანის უკან დაბრუნება და არც პატრონი ითხოვდა მას. აი, ამან წარმოშვა გამოთქმა „ნაპოვნნი დანასავით შერჩა“. ასე მაშინ ვამბობთ, როცა ვინმე უსასყიდლოდ მიითვისებს რაიმეს, ანდა დანაშაულს ჩაიდენს და შესაბამისად არ დაისჯება. იგივე მნიშვნელობით იხმარება გამოთქმა „ხახვივით შერჩა“. ხახვი მწარეა და თუ ვინმე ვინმეს სესხად მისცემს, უკან აღარ იბრუნებს იმ მოტივით, რომ იგი სიმწარის სიმბოლოა.

ნარცისი

ბერძნული მითოლოგიის მიხედვით ნარცისი იყო ულამაზესი ყმაწვილი. რომელსაც არასდროს არავინ ჰყვარებია. ერთხელ მან ნაკადულში საკუთარი თავი დაინახა, რამაც ალტაცებაში მოიყვანა და თავისი თავი შეუყვარდა. სიყვარული ისეთი ძლიერი იყო, რომ დიდი გრძნობის გამო ყმაწვილი გარდაიცვალა. ოვიდიუსის მიხედვით იგი ყვავილ ნარცისად იქცა. გადატანითი მნიშვნელობით თავის თავზე ან თავის შემოქმედებაზე უზომოდ და უაზროდ შეყვარებულ ადამიანს ნიშნავს.

ნემესიდა

ნემესიდა შურისძიების ქალღმერთი იყო ძველბერძნულ მითოლოგიაში. ახლა ეს სიტყვა შურისძიებას, სამაგიეროს გადახდას ნიშნავს.

ნესტორი

ბერძნული მითოლოგია ნესტორი კალიდონის ნადირობის, არგონავტთა ლაშქრობისა და ტროის ომის მონაწილეა. მან დიდხანს იცოცხლა. ბევრი რამ ნახა და განიცადა. გამოირჩეოდა დიდი სიმაჰაცით, სიბრძნითა და გონიერებით. ნესტორი ახლა წელთა სიმრავლითა და ცხოვრებით გამობრძმედოლ, გამჭირაბ მოხუცს ნიშნავს.

ნიანგის ცრემლები

თუმცა, ნიანგი რომ მსხვერპლს იხელთებს, სანამ შეჰამდეს, ცრემლებს ღვრის. „ნიანგის ცრემლებს ღვრისო“ — ამბობენ ადამიანზე. რომელიც თვალმაქცურად, თითქოს იზიარებს სხვის უბედურებას. სინამდვილეში კი კდეც უხარია მისი გასაჭირი.

ნიობეს წუხილი

ტანტალოსის ქალიშვილს, ბერძნული მითოლოგიის ერთ-ერთ ცნობილ ჰერსონავს ჰყავდა მრავალი ქალ-ვაჟი, თავს ძალიან ბედნიერად თვლიდა და ერთი ქალ-ვაჟს — აპოლონისა და არტემიდეს დედას — ლეტოს დასცინოდა. ნიობე თებელ ქალებს მოუწოდებდა, რომ ღმერთქალ ლეტოსადმი თაყვანისცემა და მსხვერპლთშეწირვა შეეწყვიტათ. რადგან იგი არ იმსახურებდა ამას. ვანაწყენებულმა ლეტომ თავისი გულისტკივილი შვილებს შესჩივლა. ლეტოს სურვილით აპოლონმა დახოცა ნიობეს ვაჟები, არტემიდემ კი — ქალიშვილები. გამწარებულმა მამამ თავი დაიხრჩო, ხოლო მწუხარებით გათანჯული ნიობე გაჰვავდა და კლდედ გადაიქცა. აი. ასე, ადამიანი, რომელიც თავს ძალიან ბედნიერად თვლიდა, უცებ უკიდურესად უბედური გახდა. ამ მიზეზით ლიტერატურასა და საერთოდ მხატვრულ მეტყველებაში „ნიობეს“ ან „ნიობეს წუხილს“ დიდ დარღს, დიდ ვულისწუხილს უწოდებენ.

ნოეს კიდობანი

„ზიბლიის“ მითის მიხედვით, როცა ღმერთმა მსოფლიო წარღვნა მოაგლინა, ღმერთისავე შთაგონებით ნოემ დიდი კიდობანი ააგო და შიგ თათო წყვილი ყოველი არსება შეიყვანა, აგრეთვე. ყოველგვარი მცენარის თესლი შეიტანა და წყლის დაშრობის შემდეგ დედამიწაზე სიცოცხლე განაახლა. გადატანითი მნიშვნელობით იმ საშუალებას ნიშნავს, რომლითაც პიროვნების ან საგნის დაღუპვისაგან ხსნა შეგვიძლია.

ნუ დაუფენ წინაშე მარგალიტთა ღორთა...

ითქმის მაშინ, როცა ვინმე უვაცსა და რეგვენს არ ესმის იმ სიტყვების სიკეთე, რასაც ეუბნებიან, ვერ გებულობს იმ სიკეთეს, რასაც მოსთვის აკეთებენ და სიკეთეზე ბოროტებით. ან სიკეთენით პალუხობს. ამოთქმა „სახარებოდან“ მომდინარეობს.

ოღისეა

ამ გამოთქმას აქვს დიდი, ხანგრძლივი და ფათერაკებით აღსავსე ე. ავგადასავლის მნიშვნელობა. იგი ბერძენი გმირის, ტროას ციკლის თქმულებათა ერთ-ერთი მთავარი მოქმედი პირის — ოდისეისის თავგადასავალთანაა დაკავშირებული. მან ათ წელს იხეტიალა ზღვაზე ტროადან გამობრუნების შემდეგ და მშობლიურ ითაკას მხოლოდ შემდეგ მიაღწია. საერთოდ იგი მშობლიურ ითაკას ოცი წელი იყო მოწყვეტილი და მარად შინ დაბრუნებაზე ოცნებობდა, რის საფუძველზეც წარმოიშვა კიდევ ერთი მხატვრული გამოთქმა „ითაკა“, რასაც საოცნებო, მშობლიური კუთხის მნიშვნელობა აქვს.

ოთარჯანთ ქვრივი

ილია ჭავჭავაძის ამავე სახელწოდების მოთხრობის მიხედვით ასე ეუწოდებთ ცხოვრებასთან ჭიდილში გამოწრთობილ გამრჯე ქალს, რომელიც არავის და არაფერს ეპუება, იცავს სიმართლეს, საკუთარ ავტორიტეტსა და პატიოსნებას, ცხოვრებასთან ჭიდილში მამაკაცებს ტოლს არ უდებს.

ოლიმპიური სიმშვიდე

ოლიმპო მთა არის საბერძნეთში. ძველ ბერძნებს მიაჩნდათ, რომ ამ მთაზე ბინადრობენ ღმერთები, რომელთაც, ზოგადად, ოლიმპიელებს უწოდებდნენ. ასეთები იყვნენ: ზევსი, ჰერა, აფროდიტე, ათენა, აპოლონი და სხვები, მაგრამ როცა სიტყვა ოლიმპიელს ვამბობთ, უპირველესად ზევსი იგულისხმება.

როგორც ღმერთთა და კაცთა მამას და მბრძანებელს, ზევსს ყველაფერი შეეძლო და ამიტომაც ყოველგვარი პრობლემის წინაშე სრულ სიმშვიდეს ინარჩუნებდა, მას არც წინააღმდეგობა აწინებდა და არც წარმატება აამჩატებდა, რადგან კარგად იცოდა. რომ იგი ყოვლისშემძლე იყო.

აქედან მომდინარეობს მხატვრული გამოთქმა „ოლიმპიური სიმშვიდე“. ოლიმპიური სიმშვიდით მოქმედებსო — ვიტყვით ადამიანზე, რომელიც ღრმად არის დარწმუნებული თავისი მოქმედების სისწორეში, სჯერა, რომ საქმეს კარგად დააგვირგვინებს და არ ღელავს, არც დროებით მარცხსა და არც წარმატებას განიცდის. ხშირად იგივე გამოთქმას საპირისპირო მნიშვნელობაც აქვს და ვამბობთ ისეთ ადამიანზე, რომელიც კარგად ხედავს, რომ არასწორად წარმართავს ამა თუ იმ საქმეს, მაგრამ მაინც ჭიუტობს, ვითომც აქ არაფერიად და მცდარ ნაბიჯს არ თმობს.

ორსახოვანი იანუსი

რომაულ მითოლოგიაში იანუსი დროის, ყოველივე დასაწყისისა და

დასასრულის ღვთაება იყო, ამიტომაც მის განოსახულებას ორი სახე ჰქონდა. ერთი, მოხუცი სახე მიხურობილი იყო უკან, წარსულ-ღრმად, მეორე კი — ახალგაზრდა, წინ — მომავლისაკენ. აქედან გამომდინარე, იანუსს ორპირ ადამიანს, ან ორაზროვან საქმეს უწოდებენ.

ორფეოსი

ორფეოსი იყო სახელგანთქმული, ლეგენდარული ბერძენი მუსიკოსი, რომლის მუსიკის ჰანგები ერთნაირად აჯადოებდა სულიერ და უსულ ბუნებას... გადატანითი მნიშვნელობით სახელმძოხვეჭილ, დიდებულ მუსიკოსს ვუწოდებთ. გამოთქმა შეიძლება გამოვიყენოთ ირანული გაგებითაც.

ოსას ოლიმპოზე შედგმა

ბუნებრივი მითოლოგიის ცნობილმა პერსონაჟებმა — ოტოსმა და ეფიალტემ, რომელთაც ალოადებს ანუ ალოევის ვაჟებს უწოდებდნენ, ჰერასა და აფროდიტეს სიყვარულის დამსახურება გადაწყვიტეს და ამ მიზნით ცაში ასვლა მოისურვეს (ამ მითის მიხედვით ეს ღმერთები არა ოლ-მპოზე, არამედ ცაში ცხოვრობენ), ამიტომ მათ გადაწყვიტეს, ოლიმპოს მთაზე ოსას მთა დაედგათ, ოსაზე კი — პელიონის მთა. ასეთი საქციელისათვის ისინი სასტიკად დაისაჯნენ.

სწორედ ამ მითიდან გამომდინარეობს მხატვრული გამოთქმა „ოსას ოლიმპოზე შედგმა“ დიდი, გრანდიოზული საქმის გაკეთებლს, ანდა მიუწვდომელი სურვილის მნიშვნელობით.

ოქროს წვიმა

არგოსის მეფე აკრისიოსს უწინასწარმეტყველეს, რომ მის ქალიშვილს — დანაეს შეეძინებოდა ვაჟი, რომელიც ბაბუამისს მოკლავდა და თვით გამეფდებოდა. ამის თავიდან ასაცილებლად მეფემ ქალიშვილი კოშკში ჩაკეტა და ამდღნად. შვილის გაჩენის ყოველგვარი საშუალება მოუსპო.

ქალი უშვილოდ და გაუხარლად დაბერებისათვის იყო განწირული. მაგრამ ზევსი ოქროს წვიმად გადაიქცა, დანაეს დაეპყურა და ამ კავშირის შედეგად დანაემ საყოველთაოდ ცნობილი გმირი, ნახევრადღმერთი პერსევსი შვა. ამდენად, უაზრო ცხოვრებისათვის განწირული ქალი ზევსის ვაჟის დედა და უზენაესი ღმერთის სატრფო გახდა.

ამიტომაც ახლა, გადატანითი მნიშვნელობით, ოქროს წვიმას უწოდებენ უეცარ გამდიდრებას, ან სხვა რაიმე მოულოდნელ ბედნიერებას.

პანდორეს ყუთი

ქველბერძნული ნითები გვიამბობენ, რომ პრომეთემ ზევსს ცეცხლი მოსტაკა და აღამიანებს გადასცა. პრომეთეზე განრისხებულმა ზევსმა აღამიანების დასჯა განიზრახა და ასეთ ბერხს მიმართა: მკედლობის ღმერთს — ჰეფესტოს უბრძანა, ქალღმერთის სიმშვენიერის ქალი შეექმნა. ჰეფესტოსმ რომ ზევსის ბრძანება აღასრულა, მთავარმა ღმერთებმა სხვადასხვა ქალური ღირსება მიმადლეს ახლადშექმნილ არსებას. ქალს პანდორე დაარქვეს, რაც ბევრისაგან დასაჩუქრებულს ნიშნავს. შემდეგ, ზევსის სურვილის შესაბამისად, პანდორე ცოლად შეირთო პრომეთეს ძმამ — ეპიმეთემ. ეპიმეთემ საქორწილო საჩუქრად ზევსისაგან მიიღო რაღაც თავდახურული ყუთი, რომელშიც, თურმე, აღამიანთა მოდგმის შემაწუხებელი ყოველგვარი სენი და გასაქირი იყო ჩაკეტილი. ზევსმა ეპიმეთეს ამ ყუთის გახრია აუკრძალა.

ერთხელ პანდორე მარტო დარჩა სახლში, ქალურმა ცნობილმოყვარეობამ წასძლია და ყუთს თავი ახადა. ყუთიდან უმალ ამოფრინდა ყოველგვარი სენი და სიღუბეჭირე და მთელ დედამიწას ელვის ზისწრაფით მოედო. ქალმა სასწრაფოდ დახურა ყუთი. მაგრამ მას იმედოღა დარჩა.

ამ მითის შინაარსიდან გამომდინარე, „პანდორეს ყუთი“ ეწოდება სენის, დაავადებების გამომწვევ მიზეზთა ერთობლიობას ან ადვილსამყოფელს, სიღუბეჭირის, აღამიანთა გაქირვების წარმომშობ მოვლენებსა და საგნებს.

პანიკა

ერთი ბერძნული მითის მიხედვით ღმერთთა ოლიმპურ მოდგმას ერთხელ უცნაური, თმით დაფარული არსება მოველრნა (დაიბადა), რომელიც ზოგს ჰერმესის, ზოგს კი ზევსისა და ერთ-ერთი ფერასს ცოლად მიაჩნდა. მას თხის ფეხები. ცხვირი და კული ჰქონდა. ეს ადვილო და უცნაური არსება ღმერთებმა შეიყვარეს და პანი დაარქვეს. პანი მხიარული ღმერთი იყო, ის დროს სიმღერასა და ცეკვაში ატარებდა, მაგრამ ზოგჯერ განმარტოებით ფიქრიც უყვარდა. თუ მაშინ ვინმე ხელს შეუშლიდა, საშინელ კვილს მორთავდა და ნებისმიერი სიდიდისა და სიძლიერის არსებას აფრთხოვდა. ამ შიშს „პანიკური შიში“ ეწოდებოდა. აქედან მომდინარეობს სიტყვა „პანიკაც“.

პარნასი

ღველი ბერძნების წარმოდგენით, პოეზიის, მუსიკისა და ხელოვნების სხვა დარგების მფარველი ღვთაებები პარნასის მთაზე ბინად-

რობდნენ. პარნასის მთის ძირას გაშენებული იყო ქალაქი დელფო და აპოლონის სახელობის დელფოს განთქმული სამისნო. თანამედროვე გაგებით „პარნასი“ პოეტთა ჯგუფს, კრებულს ნიშნავს. „პარნასელ დებს“ მუზებს, „პარნასის ყვავილებს“ კი ლექსებს უწოდებენ.

პეგასი, პეგასის შეკაზმვა

ძველბერძნული მითოლოგიის მიხედვით პეგასი, გორგონა მედუსას შვილი, სასწაულმოქმედი ცხენი იყო. ჩვენს ერამდე მესამე საუკუნეში ალექსანდრიელმა მეცნიერებმა პეგასი პოეტთა მერნად მიიჩნიეს. პეგასის მითი ერთგვარად მუზების მითსაც უკავშირდება. ერთხელ, როცა მუზები გატაცებით მღეროდნენ, მათი სიმღერით მოხიბლული ჰელიკონის მთა იმოდენა გაიზარდა, რომ წვერი ცას მიაბჯინა. პოსეიდონის ბრძანებით პეგასი აფრინდა ჰელიკონის წვერზე, ფლოქერი დაჰკრა და კვლავ თავის ძველ ღონეზე დააბრუნა. ფლოქერის დარტყმის ადგილზე ამოხეთქა ანკარა წყარომ, რომლის წყალიც თითქოს. პოეტებს ლექსის წერას შთააგონებდა ხოლმე. ძველებს ჰელიკონის მთაც მუზების ადგილსამყოფელად მიაჩნდათ და ამდენად, რადგან პეგასი ამ მთასთან კავშირშია. როგორც ითქვა. მოგვიანებით იგი პოეტთა შერნად მიიჩნიეს. ამიტომაც, პოეზიაში ფეხის შედგმას და წარმატებას „პეგასის შეკაზმვას“ უწოდებენ.

პენელოპე

საყოველთაოდ ცნობილ ბერძენ მითოლოგიურ გმირს — ოდისეუსს ოცი წლის განმავლობაში ელოდებოდა ყოველგვარი ქალური სიმშენიერით შემკული მეუღლე — პენელოპე. მისი სიმშენიერით აღტაცებული ბერძენი დიდებულები ქალს მოსვენებას არ აძლევდნენ, რომ რომელიმე მათგანს ცოლად გაჰყოლოდა. აბეზარი საქმროებით შეწუხებულმა ქალმა ხერხს მიმართა: განაცხადა, მანამ ვერავის გაეყვები ცოლად. სანამ ჩემი მამამთილისათვის შეპირებული სულარის ქსოვას არ დავამთავრებო. ამიტომ იგი რასაც დღე ქსოვდა. ღამით ფარულად არღვევდა. რათა არ დასრულებულიყო მისი საქსოვი. გვიან, როდესაც, იგი გათქვეს და სასიძოვებმა მისი ოინები გაიგეს, პენელოპემ განაცხადა: ცოლად მხოლოდ იმ ვაჟიკს გავყვები, ვინც ოდისეუსის მშვილდ-ისრით სროლაში გაიმარჯვებსო. მან კარგად იცოდა, რომ ოდისეუსის მშვილდს ლარსაც კი ვერავინ მოუწევდა თავისუფლად. ამასობაში ოცი წელი გავიდა და სწორედ მაშინ, როდესაც პენელოპეს საქმროები ოდისეუსის მშვილდ-ისარს ებლაუტებოდნენ, ოდისეუსიც გამოჩნდა და მეტოქეები იქვე, თავისავე სახლში დახოცა.

პენელოპეს სახემ მრავალი შემდეგდროინდელი ადამიანი მეუღლისადმი ერთგულებით შთააგონა და იგი ლამაზი, ერთგული და ძუღლისადმი თავდადებული ქალის ზოგად სახელად და სიმბოლოდ იქცა. „პენელოპეს შრომას“ კი ისეთ საქმიანობას უწოდებენ, რომელსაც ბოლო არ უჩანს, საქმე თითქოს კეთდება, მაგრამ შედეგი არ ჩანს.

პიგმალიონი

კუნძულ კვიპროსზე ოდესღაც უცხოვრია სახელგანთქმულ მოქანდაკეს, რომელსაც პიგმალიონი რქმევიან. მას მრავალი უმშვენიერესი ქანდაკება შეუქმნია, მაგრამ ყველაზე ლამაზი და მოხდენილი ზღვის ულამაზესი ფერიას, გალატეას ქანდაკება ყოფილა. თურმე პიგმალიონს ისე შეუყვარდა თავისი ქმნილება, რომ მთელ დროს წასთან ალერსსა და ლაციცში ატარებდა, უცნაური სიყვარულით გათანგული ხელოვანი სხვას ვეღარაფერს აკეთებდა. სიყვარულის ქალღმერთს — აფროდიტეს შეებრალა ხელოვანი და გალატეას ქანდაკება გააცოცხლა. აღფრთოვანებულმა ხელოვანმა იგი ცოლად შეირთო.

თანამედროვე გაგებით „პიგმალიონი“ თავის ქმნილებაზე მეტრისმეტად, უაზროდ შეყვარებულ ხელოვანს ნიშნავს.

პროკრუსტეს ხარეცელი

ფელებერძული მითების მიხედვით მდინარე ეფისოსთან ბინადრობდა ცნობილი ყაჩალი — დამასტე, რომელიც გამვლელ-გამომვლელებს შინ ეპატარებოდა, შემდეგ სპეციალურად დადგმულ სარეცელზე აწვენდა და, ვინც სარეცელზე გრძელი აღმოჩნდებოდა, ზედნეტ ადგილს აჭრიდა, იმას კი, ვინც სარეცელის სიგრძის არ აღმოჩნდებოდა, წელავდა და სარეცელს უტოლებდა. ამიტომ მას ზედნეტ სახელად „გამწელავს“ ანუ „პროკრუსტეს“ ეძახდნენ. ამ მითის მიხედვით გამოთქმა „პროკრუსტეს სარეცელი“ ან „პროკრუსტეს სარეცელზე დაწვენა“ რაიმეს ჩარჩოებში იძულებით ჩასმის, რაიმეს იძულებითი გაგრძელება-გაზვიადების ან შეკვეცა-შემოკლების აღსანიშნავად გამოიყენება.

პრომეთე, პრომეთეს ცეცხლი

პრომეთესთანაა დაკავშირებული ადამიანთა მოდგმისათვის მრავალი სიკეთის მოტანა. მითოლოგიის მიხედვით თვით მან შექმნა ადამიანი და შემდეგ მარად ზრუნავდა მისი კეთილდღეობისათვის. ყველაზე მეტად მაინც პრომეთესაგან ადამიანებისათვის ცეცხლის გადაცემაა ცნობილი.

რადგანაც ადამიანებისათვის ცეცხლის აღმოჩენას და დაპატრონებას უღირდესი მნიშვნელობა ჰქონდა და ადამიანთა გონება ამას

პრომეთეს სახელთან აკავშირებდა, რადგანაც ამისათვის პრომეთემ უდიდესი ტანჯვა-წვალება გადაიტანა, შეიქმნა მხატვრული გამოთქმა „პრომეთეს ცეცხლი“, რაც დიადი და ძვირფასისაკენ მისწრაფების აღსანიშნავად იხმარება. თვით სიტყვა პრომეთე||პრომეთეოსი კი ზოგად სახელად იქცა და დიადის, ძლიერისა და ზეღმატებულისა, ხალხისათვის თავდადებული გმირის სიმბოლოდ გამოიყენება. „ვარ გულმხურვალე პრომეთეოსი, ჩემი სამშობლო საქართველოსი“ (გ. ლეონიძე).

პური არსობისა

„სახარებაში“ (მათე, 6, II) გვაქვს ასეთი წინადადება: „პური ჩვენი არსობისაი მომეც ჩუენ დღეს“. გადატანით არსებობის აუცილებელ ბირობას ნიშნავს.

რომულუსიდან

ლუციუსი თანახმად რომის დამაარსებელია რომულუსი. რომი ერთ-ერთი უძველესი ქალაქია და გამოთქმა „რომულუსიდან“ ნიშნავს „უძველესი დროიდან“, „დასაბამიდან“.

რუბიკონის გადალახვა

ჩვენს ერამდე 49 წელს, რომის სენატის აკრძალვის მიუხედავად, იულიუს კეისარმა სახელოვანი არმიით გადალახა მდინარე რუბიკონი, რომელიც უმბრიასა და ჩრდილოეთ იტალიას შორის გაედინება. გადატანითი მნიშვნელობით გამოთქმა რაიმე აკრძალულის, ძნელად გასაკეთებელის გაკეთებას ნიშნავს.

სამი გრაცია

ბერძნულ ქარიტებს რომში გრაციებს ეძახდნენ. ისინი სილამაზის, მხიარულებისა და ქალური მიმზიდველობის ღვთაებებად მიაჩნდათ. „სამი გრაცია“ „სამ სიმშვენიერეს“ ნიშნავს. მათი ბერძნული სახელებია: ევფროსინე (მხიარულება), ჰალია (სიამოვნება) და აგლაია (ბრწყინვალება). გამოთქმას ზოგჯერ ირონიული ნიუანსიც აქვს.

სარდინიული სიცილი (ლიმილი)

ბოროტ, გულდრძო, გამაღიზიანებელ სიცილს, დაცინვას, ღიმილს უწოდებენ ასე. ასეთი მნიშვნელობით გვხვდება იგი მაგალითად „ილიადაში“ (7, 202). ძველ კომენტატორებს მიაჩნიათ, რომ გამოთქმა კუნძულ სარდინიაზე არსებული შხამიანი მცენარის მიხედვით წარმოიშვა. თურმე ამ მცენარის შხამგარეული საქმელის ჭამით აღამიანები კვდებოდნენ და მიცვალებულებს მოლიბარი სახეები რჩებოდათ.

სემირამიდას ბაღები

სემირამიდა არის ასირიის ნახევრადმითაური დედოფლის (IX ს. ხუთს ერამდე) — შამურამატის გაბერძნულებული სახელი. რომელ-

საც მრავალი მითი და ლეგენდა უკავშირდება. თითქოს მან დააარსა მრავალი ქალაქი, მათ შორის ბაბილონი და ეგრეთწოდებული სემირამილას ჩანოკიდებული ბალები გააშენებინა. ეს ბალები სინამდვილეში ჩვენს ერამდე მეექვსე საუკუნეში გაუშენებიათ მეფე ნა-ზუქოდონოსორის დროს ამ უკანასკნელის მეუღლის სურვილით, მაგრამ როგორც ჩანს, ჩვენს ერამდე მეხუთე საუკუნიდან მოყოლებული. მას სემირამიდას ბალებად იცნობენ. კარგახანია გამოთქმა პროტურა ლექსიკის კუთვნილება გახდა.

სიზიფოსის||სიზიფეს შრომა

ვადატანითი მნიშვნელობით გამოთქმა მძიმე. დაუსრულებელ უშედეგო და უსარგებლო შრომას ნიშნავს. მითის მოკლე შინაარსი, საიდანაც ეს გამოთქმა მომდინარეობს, ასეთია: ქალაქ კორინთოს დამარსებელი და მეფე სიზიფოსი მეტად მოხერხებული და მატყუარა იყო. იგი თვით ღმერთებსაც კი გააცურებდა ხოლმე. მან სასახლეში შეიტყუა სიკვდილის ღმერთი თანატოსი და რამდენიმე ხანს დატყვევებული ჰყავდა. როდესაც თანატოსი ომის ღმერთმა — არესმა გაათავისუფლა, თანატოსმა პირველი სიზიფოსი მოკლა და მისი სული ჰადესში წაიყვანა. სიზიფოსმა იქიდანაც სცადა გამოსვლა. მაგრამ ჰერმესს უკანვე მიაყვანინეს იგი და ღმერთებმა მძიმე სასჯელი დაადეს: ხევიდან მალაღი მთის წვერზე უზარმაზარი ლოდის აგორება დაეაღეს. დიდი ქაპანწყვეტითა და ოფლის ღვრით აქონდა სიზიფოსს ლოდი მთის წვერამდე, მაგრამ ღვთაებრივი განგებით ზედ მთის წვერიდან ლოდი კვლავ უგორდებოდა და კვლავ და კვლავ გრძელდებოდა და მეორდებოდა მისი მომქანცველი, მძიმე. უშედეგო და უსასრულო შრომა.

სირინოზის ხმა

კარგ მომღერალზე ვამბობთ ხოლმე — „სირინოზის ხმა აქვსო“. აგრევე შეიძლება ითქვას ვინმეზე დაციხვით, ვისაც მეტად არამუსიკალური ხმა აქვს. გამოთქმა ძველბერძნული მითოლოგიიდან მომდინარეობს. მთების თანახმად იტალიის სამხრეთ სანაპიროზე ცხოვრობდნენ უცნაური ქალიშვილები, რომლებიც უტკბილესი სიმღერით ხიბლავდნენ ახლოგამველ მგზავრებს, თავისთან მიჰყავდათ და შემდეგ ხოცავდნენ. მათ სხეულის ზემო ნაწილი ქალისა ჰქონდათ, ქვედა კი — ფრინველის. ამათ სირინოზები ერქვათ. პომპროსის „ოდისეას“ მიხედვით ისინი სკილასა და კირკეს კუნძულს შორის მდებარე პატარა კუნძულზე ბინადრობდნენ. მათ კუნძულთან ჩაელისას ოდისეესმა თანამგზავრებს ყურები ცვილით ამოუგმანა, საკუთარი თავი კი მტკიცე თოკებით ანძაზე მიაკვრევინა და ბრძანა,

არავითარ შემთხვევაში არ აეშვათ იგი, სანამ სირინოზების კუნძულს არ გაშორდებოდნენ, რომ მათი სიმღერით მოხიბლული ზღვაში არ გადამხტარიყო და მათთან არ წასულიყო. სირინოზების კუნძულს ჩაუარეს არგონავტებმაც, მაგრამ კუნძულს რომ მიუახლოვდნენ, ორფევსმა სიმღერა დაიწყო, სირინოზების ხმა დაჩრდილა და მათ ასე მშვიდობით ჩაიარეს ეს საშიში ადგილი. სირინოზებს ზოგჯერ „სირინებსაც“ ეძახიან.

სიუხვის რქა

სიმდიდრისა და დოვლათის სიმბოლოა ეს გამოთქმა. აბლადშობილი ზევსი რომ კრეტაზე გადამალეს, მას ძეძუს თბა ამაღთეა (ზოგი ვარიანტით ამაღთეა ფერია იყო) აწოვებდა. როდესაც ეს თბა მოკვდა. ზევსმა იგი ვარსკვლავად აქცია, მის რქებს კი ისეთი ძალა მიმადლა, რომ მფლობელისათვის ყოველივე სასურველი მიენიჭებინათ.

სხვა მითის მიხედვით მდინარის ღვთაება აქელოოსი ჰერაკლესთან ბრძოლის დროს ხარად გარდაიხაზა. ამ ხარს ჰერაკლემ რქა მოტეხა და შემდეგ ეს რქა იქცა ეგრეთწოდებულ სიუხვის რქად. ეს რქა რქას აქელოოსის ქალიშვილებმა — ნაიალებმა მიანიჭეს.

სკოლა ქდა ხარობდა

გადატანითი მნიშვნელობით ეს გამოთქმა ორივე მხრიდან მოსალოდნელ დიდ საშიშროებას ნიშნავს.

მითები გვიამბობდნენ, რომ კონტინენტურ იტალიას და სიცოლიას შორის მდებარე სრუტეში, ერთ-ერთ მღვიმეში ცხოვრობდა ექვსთავიანი, გრძელკისრებიანი და თორმეტფეხიანი მყეფავი ურჩხული. თითოეულ პირში მას კბილების სამი რიგი ჰქონდა. მის მოპირდაპირე მხარეს ცხოვრობდა მეორე ურჩხული — ხარობდა და მათ შორის მოქცეული მგზავრები (მეზღვაურები) სამშვიდობოზე იშვიათად თუ გავიდოდნენ. აი, ამიტომ დამკვიდრდა მხატვრულ აზროვნებაში ეს გამოთქმა.

სოლომონის სამსჯავრო

ერთხელ სოლომონ ბრძენთან ორი მომჩივანი ქალი მივიდა და მოახსენეს, რომ თანატოლი და ერთიმეორისაგან ძნელად გასარჩევი ვაჟები ჰყავდათ. ერთი ამტკიცებდა, რომ ამ, მისმა მეზობელმა ქალმა წინა ღამით ძილში დაახრჩო თავისი ვაჟი, ხოლო როცა გარეო ამის შესახებ, თავისი მკვდარი ვაჟი მე გადმომიწვინა, ჩემი კი მან წაიყვანაო. მეორე საპირისპიროს ამბობდა, სოლომონმა ხმალი ამოიღო და განაცხადა: რაზან ასეა, ცოცხალი ვაჟი შუაზე გავკვეთოთ, ნახევარი ერთს გქონდეთ და ნახევარი მეორესო... ერთი შეევედრა

მსაჯულს. ასე არ ექნათ, მეორე კი დათანხმდა... სოლომონმა ვაჟი პირველს არგუნა.

აქედან განომდინარე, „სოლომონის სამსჯავროს“ უწოდებენ სწრაფად და გონივრულად გამოტანილ განაჩენს.

სპირიტონ მცირიშვილი

ამ სახელით განათლებულ, მაგრამ გამბდარ, უნიათო და უსუსურ მამაკაცს ნოვისხენიებთ. გამოთქმას საფუძვლად უდევს ეგნატე ნონოშვილის მოთხრობის „ტარიელ მკლავაძე“ მოქმედი პირის — სპირიტონ მცირიშვილის სახე.

სფინქსი

ბევლ ეგვიპტეში მრავლად გვხვდებოდა ფანტასტიკურ არსებათა გამოსახულებები, რომლებიც ფარაონების ან წმინდა ცხოველების სულის განსახიერებად მიაჩნდათ. მათ ლომის ტანი და ადამიანის თავი ჰქონდათ. სფინქსებმა ჩვენს ღრმდელც საკმაო რაოდენობით მოაღწია. სფინქსის კულტი ეგვიპტიდან საბერძნეთში გადავიდა. სადაც იგი ცოცხალ არსებად წარმოიდგინეს და ასეთი მითი შექმნეს.

თებეს ერთ-ერთ მთავარ კარიბჭესთან სფინქსი კლდეზე ჩამოჭდა და გამვლელ-გამომვლელებს გამოცანას ეუბნებოდა: რა არის, რაც დღით ოთხი ფეხით დადის, შუადღისას — ორით და საღამოს — სამით გამოცანას ვერავენ ხსნიდა და სფინქსი ყველას ჰამდა. ბოლოს გამოცანა ოიდიპოსმა გამოიცნო — ეს არის ადამიანი, რომელიც ერთ წელამდე ოთხით დადის, შემდეგ — ორი ფეხით, მოხუცებულობისას კი მესამე ფეხად ყვავარჯენს იყენებს ხოლმეო.

ამ მითის გათვალისწინებით ახლა სფინქსს უწოდებენ გამოუცნობ რაიმეს, აუხსნელ მღგომარეობას ან უცნაურ, გულჩათხრობილ კაცს, რომლისაც არავენ არაფერი იცის.

სხვის დაკრულზე ცეკვა

გამოთქმა არა საკუთარი სურვილით, არამედ სხვისი ბრძანებით ან მითითებით მოქმედებას ნიშნავს. ჰეროდოტე გვიამბობს: სპარსეთის მეფე კირიოსმა რომ მიღია დაიბურო, მცირეაზიელმა ბერძნებმა, რომელთა მიმხრობას იგი აღრევე ცდილობდა, ქელი მოიხარეს და შეპირდნენ, რომ ყველაფერს დაუჯერებდნენ. კირიოსმა მათ ასეთი არაკი უამბო: ერთი ფლევტიტი თევზებით სავსე ზღვის პირას დადგა და ფლვტიტის დაკვრა დაიწყო იმ იმედით, რომ თევზები ხმელეთზე ამოვიდოდნენ. როცა ეს არ მოხდა, ბადე მოუსვა, ბევრი თევზი ამოიყვანა და მათ რომ ბადეზე ფართხალი დაიწყეს, ფლვტიტმა მიმართა: გეყოფათ ცეკვა, როცა მე ვუპირავდი,

მაშინ რატომ არ ინებეთ ბმვლეთზე ამოსვლა და ცეკვა... ამით კაროსმა ბერძნებს კარგად აუხსნა მათ შორის დამოკიდებულება.

ტალანტი

ტალანტი ფულის ერთეულია, იგი დაახლოებით ჩვენს ორას მანეთს უდრის. ფულის ეს ერთეული ძველთაგანვე გამოიყენებოდა ისრაელში, შემდეგ კი საბერძნეთსა და სხვა ძველ ქვეყნებში იგი წონის ერთეულადაც ითვლებოდა. მოგვიანებით კი, ჩანს ბიბლიური თქმულების მიხედვით, მან გადატანითი მნიშვნელობა შეიძინა და რაიმე საქმიანობაში დიდ უნარს, ნიჭს ეწოდა.

ტალანტის მიწაში დაფლვა

რაიმე სახმარის გამოიყენებლად, უსარგებლოდ შენახვას „ტალანტის მიწაში დაფლვას“ ვეძახით. „სახარების“ მიხედვით ერთი მდიდარი კაცი სხვაგან წავიდა და თავისი ქონება ქვეშევრდოებს დაუტოვა. ერთს მისცა ხუთი ტალანტი, მეორეს — ორი, მესამეს — ერთი. პირველმა ორმა ეს ქონება ბრუნვაში გაუშვა და დიდი მოგება ნახა, მესამემ კი მიწაში ჩაფლა, არ დამეკარგოსო — პატრონს შეუხანა. როცა პატრონი დაბრუნდა და ფული მოითხოვა, პირველმა ორმა ორმაგად დაუბრუნა და პატრონის ქება დაიმსახურა, მესამემ კი უთხრა, რომ მიწაში ჰქონდა დაფლული, არაფერი მოგება უნახავს და ახლა თავისსავე ფულს უბრუნებს. მეპატრონემ უვარგისი მსახური გალანძლა ასეთი უქნარობისა და უნიათობისათვის. ტანტალოსის სატანჯველი ამ გამოთქმას დიდი და მარადიული ტანჯვის გამოსახატავად ხმარობენ.

ძველბერძნული მითოლოგიის თანახმად ტანტალოსი ზევისა და მოკვდავი ქალის შვილი იყო. მან ღმერთების დიდი ნდობა დაიმსახურა და მათ საბჭოებსა და ნადიმებზე დასწრების უფლება მოიპოვა. შემდეგ ტანტალოსმა ადამიანებს ღმერთთა საიდუმლოებანი გაუშხილა (ზოგი მითის მიხედვით მან ღმერთებს მათთვის მარადიული სილამაზისა და სიცოცხლის მიმნიჭებელი ნექტარი და ამბროსია მოპარა. იმსაც ამბობენ, რომ ღმერთების ყოვლისმცოდნეობაშიც ეჭვი შეეპარა, გამოცდის მიზნით ერთხელ ისინი შინ მიიწვია და სადილად თავისი ვაჟის ხორცი მიართვა). განრისხებულმა ღმერთებმა საშინელი სასჯელი დაადეს ტანტალოსს. როცა იგი სულელების ქვეყანაში გადასახლდა, ყელამდე წყალში იდგა, მაგრამ საშინელი წყურვილი ტანჯავდა, მის თავზე ყველანაირი ხილით დახუნთული ხეები გადმოხრილიყო, ტანტალოსს კი ლამის საკუთარი შიგნეულობა ამოეჭამა შიმშილისაგან გაგიჟებულს — თუ რომე-

ღმესაკენ გაწვედა. წყალიც და ხეთა ტოტებიც ვაუბროდნენ და
მარადიული, საშინელი სატანჯველით ასე იტანჯებოდა.

ტარიელ მკლავაძე

უ. ნინოშვილის ამავე სახელწოდების მოთბრობის მოქმედი პირი
ქალმომჩივლისა და პირუტყველი მოქმედების განსახიერება. ტარი-
ელ მკლავაძე სპირიტონ მცირიშვილმა მოკლა უსინდისობისა და
არაადამიანური საქციელისათვის. გადატანითი მნიშვნელობით ქალ-
მომჩივობას, პირუტყველ სიძლიერეს და მასზე დამყარებულ ქმე-
დებას ნიშნავს. „ტარიელ მკლავაძეობის დრო წავიდა“, ხშირად გა-
იგონებთ ჩვენში.

ტარტაროზი

ზერძნული მითოლოგიისა და რელიგიის მიხედვით ტარტაროზი არის
ადგილი მიცვალებულთა ქვეყანაში, სადაც დამნაშავეები და ცოდ-
ვილები სიკვდილის შემდეგ ხვდებიან. ტარტაროზი ზოგჯერ ბოროტ
არსებად, ეშმაკების მეთაურადაა გაგებული. გადატანით ნიშნავს ავ,
ზოროტ აღამიანს.

ტიტანი

ძველბერძნული მითოლოგიით ტიტანები ურანოსისა (ციხ) და გეას
(დედამიწის) ვაჟები იყვნენ. ისინი კრონოსის მეთაურობით ძველი
თაობას ღმერთებს შეებრძოლნენ და დაამარცხეს კიდეც. ტიტანე-
ბი განუხრებელი ძალისა და ნებისყოფის მქონენი იყვნენ. ამტომაც
ახლა ტიტანს ვუწოდებთ პიროვნებას, რომელიც ჩვეულებრივ მოკ-
ვდავებს დიდად აღემატება... პოლიტიკაში, ხელოვნებაში, სხვა სა-
ზოგადოებრივ საქმიანობაში.

უნაყოფო ხე

„სახარების“ ნიხედვით (მათე, 21, 19) ქრისტე მოგზაურობის დროს
ერთ ლელვის ხეს წაადგა და მოისურვა, ნაყოფი გაესინჯა, მაგრამ
ხე უნაყოფო აღმოჩნდა. ქრისტემ დაწყევლა იგი და ლელვის ხე
განშა. როგორც ვხედავთ, ქრისტეს არ მოეწონა თვით ხეც კი, რო-
მელსაც არაფერი სარგებლობა მოაქვს ადამიანებისათვის... გადატა-
ნით ნიშნავს უშვილო აღამიანს, ნებისმიერ საქმეს, რომელსაც სარ-
გებლობა არ მოაქვს საზოგადოებისათვის.

ურწმუნო თომა

ურწმუნო თომას ეძახიან ისეთ აღამიანს, რომელიც არამც და არამც
არ დაიჯერებს სხვის ნათქვამს, რაგინდ სარწმუნოც არ უნდა იყოს
იგი. გამოთქმა „სახარებიდან“ მომდინარეობს. როდესაც ქრისტე
მკვდრეთით აღსდგა და თავის მოწაფეებს გამოეცხადა, ერთ-ერთი
მოწაფეთაგანი — თომა იქ არ იმყოფებოდა. როდესაც მას ამის

სესახებ უთბრეს და არწმუნებდნენ, რომ ქრისტე ნამდვილად აღსდ-
გა მკვდრეთით. თომა მაინც არ იჯერებდა და გაიძახოდა: ვერა, ვერ
დავიჯერებ, ქრისტეს და მის ხელ-ფეხზე სამსჯვალთაგან მიყენებულ
ნაქრლობევეებს სანამ ჩემი თვალით არ ვნახავო.

ფარისეველი

ეს სიტყვა თავის დროზე არსებითი სახელი იყო, ახლა კი ზედსარ-
ღავ სახელადაა გაგებული და ნიშნავს ისეთ ადამიანს. რომელიც
ერთს ფიქრობს და მეორეს ამბობს, ყველანაირად ცდილობს, მოსა-
უბრეს თავი კეთილად მოაჩვენოს, სინამდვილეში კი გულბოროტი
და მისთვის ავისმზრახველია. გამოთქმაც და სიტყვაც „ბიბლიიდან“
წომდინარეობს და არის არამეული „ფარიშაის“ ბერძნულ-ქართუ-
ლი გახმოვანება. არამეულ ენაზე იგი, სიტყვასიტყვით რომ ვთარგ-
მნოთ. „ვანცალკევებულს“ ნიშნავს. ფარისევლობა რელიგიურ-სექს-
ტანტური მიმდინარეობა იყო ძველი წელთაღრიცხვის მეორე საუ-
კუნიდან ახალი წელთაღრიცხვის მეორე საუკუნის ბოლომდე. „სა-
ხარების“ მიხედვით ისინი (ფარისევლები) ხასიათდებოდნენ ისე-
თივე თვისებებით, როგორც დღეს გვესმის ამ სიტყვის მნიშვნელო-
ბა.

ფარსადანი

საქართველოს სახალხო გმირი — არსენა ოძელაშვილი. როგორც
ამას ხალხური არსენას ლექსი და რამდენიმე მხატვრული ნაწარმოე-
ბი გვაუწყებს, მოტყუებით მიიპატუა სახლში საკუთარმა ნათლიმა-
მამ — ფარსადან ბოდბისხვევლმა. ნასვამი და მძინარი გათოკა და
მთავრობას მიჰვარა, რადგან ეგონა, რომ ამ „დამსახურებისათვის“
დიდ ჯილდოს მისცემდნენ. მათ არ დაუფასეს ფარსადანს ეს „ღვაწ-
ლი“ და გაწბილებული გამოაგდეს გარეთ. ახლა ფარსადანს ვუწო-
დებთ ერისა და ქვეყნის მოღალატეს, საერთოდ გამყიდველს. რო-
მელსაც ვერ შეუშეცნებია, რომ „სიკეთეს“ არ დაუფასებენ უცხო-
ტომელები.

ფენიქსი

ძველბერძნული მითოლოგიის მიხედვით არაბეთიდან ეგვიპტეში
ხუთას წელიწადში ერთხელ მიფრინდებოდა ხოლმე მოოქროსფერო-
მოალისფრო არწივი. რომელსაც ფენიქსს ეძახდნენ. სხვადასხვა მი-
თების მიხედვით, როდესაც ფენიქსი 500, 1461 თუ 7006 წლისა გახ-
და. თავი დაიწვა, ფერფლიდან გაახლგაზრდავებული წამოდგა და
კვლავ განაგრძო ცხოვრება. ამიტომაც. თანამედროვე გაგებით. ფე-
ნიქსი განახლებად, აღდგენად რაიმეს. ნარადისობას, განახლებას,
კვლავ აღდგენას ნიშნავს.

ფერია

ლამაზ, სათნო სახისა და ხასიათის ქალიშვილებს ვეძახით. დაახლო-
ვებით ამავე მნიშვნელობით იწინარება სიტყვა ანგელოსი. ბერძნული
ნითოლოგიის მიხედვით, ფერიები იყვნენ ტყეებსა და ველებში
ნცხოვრები მშვენიერი ქალიშვილები, სიკეთისა და სილამაზის გან-
სახიზებანი და ხელოვნებაშიც ასევე წარმატ, ყმაწვილ ქალებად
განოისახებოდნენ.

ფორტუნა

რომაული ნითოლოგიის მიხედვით ფორტუნა ბედნიერების, წარმა-
ტების, შემთხვევით მოპოვებული სიკეთის მფარველი ქალღმერთი
ეყო. თითქოს მის ნებაზე გახლდათ დამყარებული ცალკეული პი-
რის ბედი და უბედობა. ფორტუნა ლამაზ ქალად გამოისახებოდა,
ხელში სიუხვის რქა ეჭირა და იქიდან მონეტებს ყრიდა. გადატანით
მნიშვნელობით ფორტუნა ბედს ნიშნავს, ხოლო „ფორტუნამ ზურ-
გი მაქცია“ — ბედნიერების დაკარგვას, ბედის ბორბალის უკუღმა
დატრიალებას. გამოსახულებებში ფორტუნა ზოგჯერ სფეროზე ან
ბორბალზე დგას. აქედანაა გამოთქმა „ფორტუნას ბორბალი“, რაც
ბედის ცვლას, საერთოდ ცვალებადობას ნიშნავს. ასეთივე მნიშვნე-
ლობისაა ბედის ბორბალი.

ფრთიანი სიტყვა

გამოთქმა ჰომეროსის პოემებიდან მომდინარეობს. იგი ეპიკური ფო-
რმულაა. ჰომეროსის თქმით, ფრთიანი სიტყვებით (ეგება პტეროონტა)
ერთმანეთს ხშირად მიმართავენ ხოლმე მისი პოემების მოქმედი პი-
რები.

ფული არ ყარს

როცა რომის იმპერატორმა — ვესპასიანემ (69—79) საზოგადოებრივ
საპირფარეშოებზე გადასახადი დააწესა. შვილმა — ტიტუსმა უსაყ-
ვედურა, სარცხვილიაო... მაშინ აქედან აღებული პირველი ფული
მამამ მას ცხვირთან მიუტანა და ჰკითხა, ყარს თუ არაო. შვილმა
რომ უარყოფითი პასუხი გასცა, მამამ მიუგო: ჰოდა, ეს ხომ შარ-
დიდან მომდინარეობსო. ამას ეყრდნობა იუვენალის ლექსის სტრი-
ქონოც: „ყოველგვარ შემოსავალს კარგი სუნი აქვს, საიდანაც არ
უნდა მომდინარეობდეს იგი“. ამავე გაგებით იხმარება ახლა ე- გა-
მოთქმა — რა ბინძური გზითაც არ უნდა შეიძინო ფული, იგ- მა-
რცე სასიამოვნო და სასიხარულოა... გამოთქმაც და აზრიც, ცხადია,
მიუღებელია კულტურული და ჰუმანური საზოგადოებისა და ყო-
ფიერებისათვის.

ფურია

მრისხანე დედაკაცს ვუწოდებთ. ძველი რომაული ნითოლოგიის.

მიხედვით ფურციები მიწისქვეშა სამყაროს დემონები არიან — და-
ახლოებით ისეთივენი, რააგორც ბერძნული ერიწიები. ითვლებოდ-
ნენ შურისძიებისა და სინდისის ქეჯნის ღვთაებებად, სდევნიდნენ
დამნაშავეებს.

ქამელეონი

ქამელეონი ხელიკის ერთ-ერთი სახეობაა, რომელსაც შეუძლია სხვა-
დასხვა გარემოპირობების შესაბამისად, ჩქარა იცვალოს კანის ფე-
რი. გადატანითი მნიშვნელობით ნიშნავს ცვალებად, ცბიერ ადამი-
ანს, რომელიც დროისა და მდგომარეობის შესაბამისად იცვლება.

ქარის წისქვილთან ბრძოლა

უაზრო, გაუმართლებელ ბრძოლას ნიშნავს, როცა ანაა რეალური
მოწინააღმდეგე, როცა მოჩვენებით მოწინააღმდეგეს ებრძვის ვინმე.
რომლინარეობს სერვანტესის „დონ კიხოტიდან“, იგი ზომ მართლა
ებრძოდა ქარის წისქვილებს. შეესაბამება გამოთქმა „ღია კარის
მტვრევა“.

ქვრივის შესაწირავი

„სახარების“ (მარკ. 12. 41—44) მიხედვით ქრისტე აფრთხილებს
ხალხს: ვინც ქვრივს რაიმეს შეუჰკაპს ან წაართმევს, მეტი სიბეატ-
რით დაისჯება. მერე ქრისტე შესაწირავთან დაჯდა და ნახა, რომ
მდიდრებმა ბევრ-ბევრი შესაწირავი მოიტანეს, ერთმა ქვრივმა კი—
მხოლოდ ორი კოდრანტე. იესომ მოწაფეებს უთხრა, რომ ამ ქვრივ-
მა ყველაზე მეტი შესაწირავი გარდო, რადგან მდიდრებმა „ნამეტ-
ნავისაგან მათისა დადეს“, ხოლო ამ ქვრივმა — ყოველი, რაიცა
აქუნდა“. გამოთქმა გამოხატავს ისეთ შესაწირს ან საქმეს, რომე-
ლიც გარეგნულად თითქოს მცირეა, მაგრამ სინამდვილეში ძალიან
ღირს.

ქიმერა

ბერძნული მითოლოგიის მიხედვით ცეცხლისმფრქვეველი ურჩხუ-
ლია. ზოგი აღწერილობით მას აქვს ლომის თავი, თხის ტანი და
დრაკონის ზურგი. ჰესიოდეს „თეოგონიას“ მიხედვით ქიმერას აქვს
ლომის, თხისა და დრაკონის თავები. გადატანითი მნიშვნელობით
ქიმერას რაიმე გამოუცნობს, საშინელს ვუწოდებთ („სძინავთ ბნელ
ტყეულებში გამოუცნობ ქიმერებს“ — გალაქტიონი).

ღმერთს ღმრთისა და კერხარს კერხარისა

გამოთქმა ნიშნავს, რომ ყველამ თავისი შესაბამისი უნდა მიიღოს
'ისქელიც და ჯრდოც. მომდინარეობს „სახარებიდან“ (მათე, 22,
13...).

ყვარყვარე

ყვარყვარე თუთაბერი პოლიკარპე კაკაბაძის ამავე სახელწოდების ნაწარმოების მთავარი მოქმედი პირია, რომელმაც შემთხვევით მიაღწია დიდ თანამდებობას და თავისი უვიცობით ხშირად დიდ გასაჭირში ვარდებოდა, მაგრამ გარკვეულ დრომდე მაინც პარპაშებდა. ამის მიხედვით „ყვარყვარე“ საზოგადო სახელად იქცა და ნიშნავს დიდ თანამდებობაზე მყოფ უვიც სახელმწიფო მოღვაწეს.

ყურებზე ხახვი არ დამაპრა

იხილე ყურმოჭრილი ყმა.

ყურმოჭრილი ყმა

განოთქმა წმინდა ქართული წარმომავლობისაა. როგორც მეცნიერებას მიაჩნია, ძველ საქართველოში ყმისათვის ყურის მოჭრის ჩვეულება უფოთილა გავრცელებული. ყურმოჭრილ ყმას მებატონისაგან გაქცევა აღარ შეეძლო ჯა მის უერთგულეს (იძულებით) მსახურად ითვლებოდა. უფოთილა იმისი შემთხვევა, რომ ნამდვილად ერთგულ ყმას ბატონის პატივისცემად თავისი სურვილით მოუჭრია საკუთარი ყური. ამჟამად გამოთქმა ყურმოჭრილი ყმა ნიშნავს ისეთ ადამიანს. რომელიც თავისი ქონებრივი, დანაშაულებრივი თუ სხვა რაიმე მღვდომარეობით იძულებულია იაროს ვინმეს ჭკუაზე, ვინმეს სასიამოვნოდ.

ადამიანებს რომ ყურს აჭრიდნენ, მოშუშების მიზნით ჭრილობაზე დაეკვირ ხახვს აყრიდნენ. აქედან წარმოიშვა გამოთქმა „ყურებზე ხახვი არ დამაპრა“, რაც ნიშნავს: ერთბაშად, მე შენი მონა, ყმა არ გაეხდე, შენ ყური არ მომაპრა და მერე ზედ ხახვი არ დამაპრა მოსაშუშებლადო. ესე იგი, ვერაფერსაც ვერ მიზამ, ძალიანაც რომ მოინდომო.

შეიცან თავი შენი

ასეთი წარწერაა აპოლონის ტაძარზე დელფოში. ბერძნულად იგი ასე ეწერს: „გნოსთი სე აუტუ“. გამოთქმა შვიდი ბერძენი ბრძენიდან ერთ-ერთს მიეწერება და ნიშნავს, რომ ადამიანმა უნდა გაიცნობიეროს თავისი არსებობა.

შერმაღინი

შერმაღინს ერთგულ, უფროსისათვის თავდადებულ ქვეშევრდომს ეუწოდებთ შ. რუსთაველის „ვეფხისტყაოსნის“ მიხედვით. შერმაღინი ხომ ავთანდილის უერთგულესი ქვეშევრდომი იყო.

შინაურ მღვდელს შენდობა არა აქვს

ასე ვამბობთ მაშინ, როცა ჩვენს სიკეთესა და გარჯას ჩვენივე მახლობელი ადამიანები ვერ ხედავენ. არ აფასებენ. გამოთქმა „სახა-

რებიდან“ მომდინარეობს (მათე. 13, 57; მარკოზი, 6, 4; ლუკა, 4, 24; იოანე, 4, 4).

ა. წერეთელი აღნიშნავს: „მეფე და მთავრებიც შენდობას სთხოვნენ მღვდელს და ხელზე ეამბორებოდნენ; მხოლოდ ბატონები თავის საკუთარ მღვდლებს, რადგანაც სულ ერთად იყვნენ, არა ჰკონცინდნენ ხელზე — ამიტომაც დარჩენილა ჩვენში ანდაზა: „შინაჯრ მღვდელს შენდობა არა აქვსო“ (ჩემი თავგადასავალი“).

შიოს მარაში

ქრისტიანული წელთაღრიცხვის VI საუკუნეში საქართველოში მოვიდა ცამეტი ასურელი წმინდა მამა, რომელთაგან ერთ-ერთი იყო შიო, რომელსაც შემდეგ შიო მღვიმელი ეწოდა. იგი ცხოვრობდა და ნოდვაწეობდა ახლანდელ შიომღვიმის მონასტერში. ამბობენ, რომ მას მონასტერში კარგი მარანიც ჰქონდა და მისულ მლოცველებს ღებრე ღვინო უმასპინძლებოდა, მაგრამ მისი ქვევრი არასოდეს იცლებოდა... ცოტა ძირს რაჟ დაწევდა, ღვთაებრივი განგებით კვლავ პირამდე იესებოდა. ამ თქმულებიდან წარმოიშვა გამოთქმა „შიოს მარანი“ — სიმღიდრის, დოვლათის. გამოუღვეელი და ამოუწურავი ქონების აღსანიშნავად.

გამოთქმის წარმოშობას შეიძლება მეორე მიზეზიც ჰქონდეს. ეგრძოდ ის, რომ საქართველოს სხვადასხვა კუთხეში. სადაც მღვინეობაა გავრცელებული, შიოობის წინა დამეს ზღიან ღვინოთ სავსე ქვევრს, ხელადას აავსებენ და დამით თავლიას ტოვებენ მარანში. მიაჩნიათ, რომ დამით მოვა შიო. ხელადიდან ცოტას მოსვამს, ჭურ-მარანსა და მის პატრონს დალოცავს და წავა. ამიტომ დღით დიდი ინტერესით ნახულობენ დატოვებულ ხელადას — აკლია თუ არა ღვინო, ესე იგი, იყო თუ არა შიო მარანში. ეს კი გვაფიქრებინებს, რომ შიო ძველ საქართველოში მევენახეობის მფარველი ღვთაება იყო და ქრისტიანული რელიგიის გავრცელების შემდეგ მისი კულტი აირია ისტორიულად არსებული წმინდა მამის — შიო მღვიმელის კულტში.

ჩაილურის წყალი ღალია

გამოთქმა ნიშნავს: წავიდა, დაიკარგა, გარდაიცვალა. ჩაილური პატარა მდინარეა გარე კახეთში. ძველ საქართველოში. ქართლიდან მიმავალი კაცი რომ ამ მდინარეს გადაივლიდა, ძნელად ბრუნდებოდა უკან, იქ ბევრი ხიფათი ელოდა. ასეთივე აზრისაა გამოთქმა „მარილზე წავიდა“.

ჩხირი კედელს

გამოთქმა უძველესი წარმოშობისა ჩანს. მიაჩნიათ, რომ იგი დამწერლობის წარმოშობამდეა შექმნილი. როდესაც რაიმე მნიშვნელო-

ვანი ამბავი მოხდებოდა, ან რაიმე დიდი, ღირსშესანიშნავი და სამახსოვრო საქმე გაკეთდებოდა, ამის აღსანიშნავად და სამახსოვროდ უფროსი ხელქვეითს უბრძანებდა, ტინის კედელში ჩხირი ჩაერქო, ან ნახშირით კერიაზე აღნიშვნა გაეკეთებინათ. აი, აქედან წარმოიშვა გამოთქმები: „ჩხირი კედელს“, „კერძას ნახშირი“. ასე მაშინ ვამბობთ, როდესაც ისეთი ვინმე მოვა, რომელსაც სინამდვილეში უკვე დიდი ხანია ველოდებოდით, (ანდა პირიქით. მაშინ გამოთქმას აქვს ირონიული ხასიათი), ანდა გაკეთდება ან მოხდება რაიმე ისეთი, რომელიც ადრე უნდა მომხდარიყო და ახლა, როგორც იქნა, დაადგა საშველი.

ციკლოპი

ციკლოპი ლათინურად და კიკლოპი ბერძნულად ეწოდება. მითოლოგიურ პერსონაჟს, ბუმბერაზს, კაცისმაგვარ არსებას, რომელსაც შუბლის შუაში ერთადერთი თვალი აქვს. ეს თვალი მრგვალია და სიტყვა-სიტყვით ბერძნულ „კიკლოპს“ ქართულად „მრგვალთვალა“ ან „წრეთვალა“ შეესაბამება. ადამიანებთან შედარებით ციკლოპი სიძლიერით, სხეულის უხეშობით და სიმახინჯით გამოირჩეოდა. ამიტომაც კიკლოპურს ან ციკლოპურს დღესაც ვუწოდებთ ხოლმე ისეთ ნაგებობას, რომელიც უზარმაზარი ლოდებით არის აშენებული. ამჟამად კიკლოპს ან ციკლოპს დიდი ფიზიკური ძალის მქონე, ტლანქი შესახედობის მქონე ულამაზო მამაკაცებს ვუწოდებთ, მითუმეტეს მაშინ, თუ იგი ცალთვალა.

ბერძნული მითოლოგიის მიხედვით კიკლოპები მკედლობის დმურთს — ჰეფესტოს ეხმარებოდნენ ხოლმე და ამიტომ ამჟამად კიკლოპებს მკედლებსაც უწოდებენ.

ცოტნე დადიანი

ყველა ქართველისათვის კარგადაა ცნობილი ისტორიული გმირი — ცოტნე დადიანი. გადატანითი მნიშვნელობით მეგობრებისათვის, ძაღვებისა და მამულისათვის თავდადებულ ადამიანს ნიშნავს.

ხელი დამიბანია

პილატემ რომ ქრისტე ბრბოს გადასცა საწამებლად, მათ წინაშე ხელები დაიბანა და განაცხადა: „უბრალო ვარ მე სისხლისაგან მაგისისა“ (მათე, 27, 24). ახლა ასე ვამბობთ იმ შემთხვევაში, როცა უცბადობთ, მე ამ საქმეში აღარ ჩავერევი, არ მივიღებ მონაწილეობასო.

ხმა მლაღადებლისა უღაბნოსა შინა

ასე ვამბობთ მაშინ, როცა რაიმე კარგს, სასარგებლოს ვქადაგებთ, სიმარჯულეს ვამბობთ, მაგრამ არავინ გვისმენს, არავის სურს, რომ

მოგვისმინოს. გამოთქმა ნომდინარეობს „ბიბლიიდან“ (ესაია, 40. 3.).

პერკულესის სვეტები

გიბრალტარის სრუტის ორივე შპარეს აღმართულ კლდეებს ძველად პერკულესის ანუ პერაკლეს სვეტებს ეძახდნენ. ერთი რიგი მთების მიხედვით ხმელთაშუა ზღვა მსოფლიო ოკეანეს არ უერთდებოდა და გიბრალტარის სრუტე პერაკლემ გაარღვია. სხვა მიზეზები კი გადმოგვცემენ, რომ ეს სრუტე თავიდან უფრო ვანიერი იყო. მაგრამ პერაკლემ შეავიწროვა, რათა ოკეანიდან ხმელთაშუა ზღვაში ურჩხულები ვეღარ შემოსულიყვნენ. აი, ამიტომ ეძახიან ამ კლდეებს პერკულესის ანუ პერაკლეს სვეტებს. ძველებს მიაჩნდათ, რომ ეს ადგილი ქვეყნის დასასრული იყო და იმის იქით უკიდუგანო მდინარე — ოკეანე მიედინებოდა. ამიტომაც გამოთქმა „პერაკლეს პერკულესის სვეტებამდე მივიდა“ ნიშნავს ყველაფერი გააქეთა. მილაღწიველს მიაღწია, ცხოვრება და შემოქმედება დაასრულა.

პერკულესის შრომა

პერკულესი პერაკლეს ლათინური სახელწოდებაა, ამიტომ ამ გამოთქმის ტოლფასია გამოთქმა „პერაკლეს შრომა“.

ბერძნული მითოლოგიის უბოპულარეს და უდიდეს გმირს პერაკლეს ძალზე ბევრი და მძიმე შრომა-გარჯა შეხვდა თავისი სიცოცხლის მანძილზე. მარტო ის რად ღირს, რომ მას გიბრალტარის სრუტის გაღრმევა ან შევიწროება მიეწერება. სხვა ბევრ საძნელო თავგადასავალთან ერთად მთავარია მისი თორმეტი გმირობა. რომლებიც პერაკლემ მეფე ეგრისტევის ბრძანებით შეასრულა. ამიტომ ძალა პერაკლეს ან პერკულესს ძლიერ, ღონიერ მამაკაცს უწოდებენ, პერკულესს|პერაკლეს შრომას კი — რაიმე მძიმე, დიდი, ხალხისათვის სასარგებლო შრომის შესრულებას.

პეროსტრატე

ემისათვის, რომ თავისი სახელი უკვდავეყო, ეფესელმა პეროსტრატემ ჩვენს ერამდე 356 წელს დაწვა არტემიდე ეფესელის დიდებული ტაძარი — შვიდი საოცრებიდან ერთ-ერთი. გადატანითი მნიშვნელობით პეროსტრატეს ვუწოდებთ პატივმოყვარეობით დაბრმავებულ ადამიანს, რომელიც მზადაა, დიდებისაკენ მიმავალ გზაზე ყველაფერი გაანადგუროს. „პეროსტრატეს დიდებას“ სამარცხვინო საქციელთ განთქმულ სახელს ვუწოდებთ.

პიდრა

ძველბერძნული მითოლოგიის მიხედვით მრავალთავიანი, გველისებრი ურჩხული, რომელსაც ერთი თავის მოკვეთის შემთხვევაში ორი

სამაგერო ამოსდიოდა. გადატანითი მნიშვნელობით ვუწოდებთ სა-
წინეღ. ბოროტ ძალას, რომლის წინააღმდეგ ბრძოლა მეტად ძნე-
ლია.

ჰომერული ხარხარი

ასე ხმამაღალ. თავშეუქავებელ სიცილს ეწოდება ჰომეროსის პოე-
მების მიხედვით (ილიადა, 1. 599, ოდისეა, 8, 326...). ოლიმპიელი
ღმერთები ხმამაღლა და თავშეუქავებლად ხარხარებდნენ.

მხატვარი გ. ინახარიძე
მხატვრული რედაქტორი ჯ. ზენაიშვილი
ლიტერატურული რედაქტორი ზ. ცინცაძე
კორექტორი თამარაგო ფირცხალავა

სბ—6164

ჩაბარდა წარმოებას 15.04.91 წ. ხელმოწერილია დასაბეჭდად 17.05.91 წ. ფოთბათი 60x90¹/₁₆. ქალაქი საბეჭდო № 1. გარნიტურა ჩვეულებრივი. ბეჭდვა მაღალი. პირობითი ნაბეჭდი ფურცელი 3.75. სააღრიცხვო-საგამომცემლო ფურცელი 2,99. პირობითო საღებავ გატარება 3.88. ტირაჟი 10. 000.

შეკვეთა 296

ფასი 5 ზან.

გამომცემლობა „მერანი“, რუსთაველის კრ. 42
თბილისი, 1991

სსსი სტამბა, თბილისი-31.
Типография Груз. СХИ, Тбилиси-31